

**Ammasumik ataatsimiinnermi oqaluuserisassat:**

- Imm. 01** Oqaluuserisassat akuersissutigineri
- Imm. 02** Borgmesterip nalunaarutaa.
- Imm. 03** Ataatsimiititaliani siulittaasut nalunaarutaat.

**Paasissutissiissutit**

- Imm. 04** Kommunini inissiaateqarneq pillugu Inatsisartut inatsissaannut tusarniutaasumut akissuteqaat pillugu paasissutissiissut.
- Imm. 05** 2011-mi qaammatit siullit pingasunut Qeqqani Inuutissarsiornermut Siunner-suisoqatigiit suliarisimasaminnik nalunaarusiaat.
- Imm. 06** Kommunimi pilersaarummut tapiliut nr. 40 pillugu paasissutissiissut.
- Imm. 07** 2010-mut ukiumoortumik nalunaarusiaq iluarsisaq pillugu paasissutissiissut.
- Imm. 08** Sarfannguani Kiffartuussiviup oqoqarnera B-872-imullu nuukkallarneq pillugu immikkut aningaasaliissutit pillugit paassissutissiissut.
- Imm. 09** Qeqqata Kommuniani atuarfiit siuarsarneqarnissaat pillugu ilisimatitsissutip aappaat.
- Imm. 10** Qeqqata Kommuniani inuit sulisinnaasut piffissami Ukioq 2011-miit 2021-mut utoqqalinersiaqalersussat pillugit nalunaarusiarineqarneri.

**Aningaasaqarnermut tunngasut**

- Imm. 11** Akiliisinnaajunnaarnermi FBS-imiit pissarsiat tunniunnissaat.
- Imm. 12** Qinnuteqaat immikkut aningaasaliiffigeqqulluni illoqarfik qimannagu perorsaa-sunngorniarnermut, aallartittussanngorlugu september 2011-imi, Sisimiuni.
- Imm. 13** Sanaartornermi naatsorsuutit pingasut, Maniitsoq.
- Imm. 14** Sisimiuni sanaartornermi naatsorsuutit marluk.
- Imm. 15** Kommunip nersornaasiisarnermini legateqartitsinerminilu aningaasaateqarfisa 2009-mut 2010-mullu naatsorsuutai.

**Suliassat nalinginnaasut**

- Imm. 16** Karseqarnermut naatsorsuuserinermullu malittarisassanut ilanngussassaq.
- Imm. 17** Kommunip pilersaarusrorseqarnera – 2011-mi pingarnertut aaqqissuunnera
- Imm. 18** Assartuussineq pillugu isumalioqatigiissitap isumaliutissiissutai.
- Imm. 19** KANUKOKA-mi aallartitassanik nutaanik toqqaanissaq.
- Imm. 20** Kommunalbestyrelsimiit tunuarniuteqarneq.
- Imm. 21** Ataatsimiititaliami ilaasortassamik nutaamik sinniisussaanillu toqqaaneq.
- Imm. 22** Oqaluuserisassatut siunnersuut – Qeqqata Kommuniani atuarfinni tamani mamakujuttut sodavandillu eqqunnissaasa inerteqquaalermissaat
- Imm. 23** Tamalaat.



Ataatsimiinneq aallartippoq nal.

*Peqataasut:*

*Atassut*

*Inuit Ataqatigiit*

*Siumut*

*Nalunaaruteqarlutik peqataanngitsut:*

*Nalunaaruteqaratik peqataanngitsut*

**Imm. 01 Oqaluuserisassat akuersissutigineri**

**Aalajangiineq**

**Imm. 02 Borgmesterip nalunaarutaa**

**Aalajangiineq**

**Imm. 03 Ataatsimiittitaliani siulittaasut nalunaarutaat**

**Aalajangiineq**



**Imm. 04 Kommunini inissiaateqarneq pillugu Inatsisartut inatsissaannut tusarniutaasumut akissuteqaat pillugu paasissutissiissut**

*Journalnr.*

**Tunuliaqtaq**

KANUKOKA apriliip 1-ani 2011-mi mail-ikkut kommuni qinnuigivaa, Inatsisartut inatsissaannut tusarniutaasumut saqqummiunneqannginnerani akissuteqaqqullugu. Akissuteqarnissamullu piffissa-rititaasoq apriliip 28-anut 2011-mut killiliiffingineqarluni.

Tusarniuteqarnermi atortussatut nassiuinneqarsimasunit takuneqarsinnaavoq, kommunini inissiaati-leqatigiiffit pillugit Naalakkersuisut nutaamik Inatsisartut inatsisiornissaat kissaatigigaat.

**Maleruagassatigut tunngavissaq**

Qeqqata Kommuniani karseqarnermut naatsorsuuserinerimullu malittarisassat.

**Pissutsit atuuttut**

Inatsisartut 1993-imi inissiaatileqatigiiffit pillugit Namminersorlutik Oqartussat inissiaataanik aqutsinermi inatsisissaq akuersissutigivaat.

Tamatumannga pissutaasut ilagivaat, inissiaatit attartortittakkat aserfallatsaalineqannginnermikkut aserfallakkiartornerujussui, naak Nunap karsianiit annertoorujussuarmik ukiumoortumik tapiissute-qartoqartaraluaq. Peqatigitillugulu ineqarnermut akiitsut annaasaqaataanngatsiartarlutik.

A/S Inissiaatileqatigiiffik INI pilersinneqarpoq. Peqatigitillugulu kommunit inissiaatitit aqutsinikkut INI-mut isumagisassangortissinnaagaat neqeroorfingineqarlutik, taamanikkullu kommuninit 18-iusunit amerlasuut tamanna atorluarlugu. 1995-imiilli INI-p Namminersorlutik Oqartussat kommu-nillu amerlanersaasa inissiaataat attartortittakkat aqutsinikkut isumagisarivai.

Inatsisartut isumaqarput, INI-p pilersinneqarnerata malitsigisaanik inatsisit akuersissutaasimasut, ilaatigut inissianik attartortarnermi il.il. Peqqussut, arlalitsigut iluaqutaasimapput, soorlu ullumikkut inissianik agguassisarneq utaqqisut allattorsimaffiat tunngavigalugu ingerlanneqartarlutik, sulisut amerlanngitsuinnaat inissianik aqutsinikkut agguassisarlutik, taamatullu aamma inissianik attarto-tittakkankit aserfallatsaaliiinkut aningaasarparujussuit atorneqartalersimallutik.

INI-p piginneqatigiiffittut aaqqitaanerata iluaqtissartaasa ilagisimavaat, piginneqatigiinnikkut inatsisikkut ukiumoortumillu naatsorserinermut inatsisikkut suliffeqarfimmik ingerlatsinikkut ersarissunik malittarisassaqarnera.

Naalakkersuisullu isumaqarput, kommunit inissiaatileqatigiinnikkut periarfissaat nukitorsarneqarta-riaqartut. Kommuninut pisinnaatitsinikkut piginneqatigiiffinnut killissarititaasut annertusartariaqarput, tamatumuuna suliassat arlaqarnerusut eqqarsaatigalugit, peqatigitillugulu kommunit iluminni ataatsimoorlutik inissiaatiminik aqutsinikkut isumaqatigiissuteqarsinnaaneri periarfissiunneqassal-lutik.

Kommunini inissiaatileqatigiiffeqarnissamik siunnersuutip kingunerissavaa, Namminersorlutik Oqartussat kommunillu ullumikkutuulli assigiimmik inissiaatitik atorsinnaassammatigit, pisariaqar-titsinertilluunniit naapertorlugu aaqqisiinnaassallutik.



Siunnersuummi annertuumik sunniuteqartussatut taaneqarsinnaapput, tamatumuuna ammaanneqas-sammata

- aningaasaliissuteqarnerup ilaa tamakkerlugilluunniit pisortaniit soqutiginnittunut nuunneqar-sinnaassammata, tassa sanaartukkanut najugaqartussanuusinnaalluni. Ullumikkut pisortat inissiaataat attartortittakkat Namminersorlutik Oqartussanit kommuniniillu aningaasaliiffi-sarput, imaluunniit taakku ataatsimoorlutik,
- kommunit inissiaatileqatigiiffimmik pilersitsisinnaalissapput, tassa Kalaallit Nunaanni inissiani illuutinillu sanaartornerinik, piginnittuunermik, aqutsinermik attartortsinermillu isu-maginnittussamik, kiisalu
- kommunit inissiaatileqatigiiffiutaat namminneq aningaasaliissuteqarnissami attartortsinnaa-lis-sapput, taamaalilluni piffissaq alimasinnerusoq isigalugu pisortanit inissialiortitsinikkut attartortitakkat annikillisinnejarsinnaassallutik. Tamatuma kingunerissavaa, aningaasaliissu-teqartuusarneq piffissaq alimasinnerusoq isigalugu pisortaniit ilaannakuusumik tamakkiisu-milluunniit inissiaatileqatigiiffimmut nuunneqarsinnaalissalluni, taannalu allatigut aningaa-saliissuteqarnissamik ujartuisinnaalluni, taakkulu inissiat attartornerini isertitatigut matus-suserneqartassalluni.

Inatsisisstatut siunnersuutip isumagivaa, kommunit aqutsineq tigusinnaagaat, taavalu/imaluunniit inissianik illutinillu kommunip piginneqatigiiffiutaat piginnittunngorluni. "Illutillu allat" imatut paasineqassaaq suliffeqarfait, allaffeqarfait, atuarfiet, kommunip teknikkikkut sanaartugaatai il.il.

KANUKOKA tusarniaanermi atortussat pillugit oqaaseqaatissaqanngilaq.

Inatsisisstatut siunnersuutip § 3, imm. 2-ani takuneqarsinnaavoq, "*Kommuni kommunip allap illuu-teqarerrmk ingerlatseqatigiiffiutaanut suliassat § 1, imm. 2 naapertorlugu isumagineqartussat pillugit isumaqatigiissuteqarsinnaavoq, taamatuttaaqkommunimi illuuteqarnermk ingerlatseqati-giffik pisortat oqartussat allat suliffeqarfili allat pigisaannik aalaakkaasunik allaffissornikkut ingerlatsinermik suliassanik isumaqatigiinnittussatut tigusisinaavoq.*".

Inatsisisstatut siunnersuutip § 3, imm. 2-anut oqaaseqaatini takuneqarsinnaalluni, tamatumuuna kommunit inissiaatileqatigiiffiutaat assersuutigalugu A/S Inissiaatileqatigiiffik INI-tulli ingerlatsi-sinnaassasoq siunertaalluni.

Oqaaseqaatinilu aamma oqaatigineqarluni, Nuup Kommuneata (massakkut Kommuneqarfik Sermersooq) 2006-imi ineqarnikkut piginneqatigiilluni aqutsiveqarfik "Iserit A/S" pilersinnikuugaa. Taamani pilersitsineq nakkutilliisoqarfimmiit akuerineqarpoq, tassa kommuninut pisinnaatitsissut naapertorlugu pilersitaasutut.

Naalakkersuisullu kommunit inissiaatileqatigiiffinnik ingerlatsisinnaanerisa nukitorsarneqarnissaa matumuuna akuersarpaat. Tamannalu inatsisisstatut siunnersuutip kommunini allanittaaq akuersis-sutaneratigut pippat, tamanna kommunini inissiaatileqatigiiffit INI-llu akornanni unammillernermut tunngasutigut sunniuteqangaatsiassaaq, qularutissaavallaanngitsumillu taassuma siunissami tunngaviusumik isummatigut najugaqarfinnik aqutsisutut atatiinnarnissaa annikillingaatsiassalluni.

Sisimiuni INI-p allaffissua ullumikkut 50-t missaannik atorfilittaqarpoq. Piginneqatigiiffik Kalaallit Nunaanni illoqarfinni tamangajanni allaffeqarfefeqarpoq, tamatumanilu atorfilittat 140 misaaniillutik.

Inatsisartut inatsisisstaat nutaassaaq januaarip 1-ani 2012-miit atuutilersussatut naatsorsuutigineqar-poq.

**Aningaasaqarnikkut allaffissornikkullu kingunerisinnaasai**

Inatsisissatut siunnersuummut oqaaseqaatini kommunit inissiaatileqatigiiffiisa allatut aningaasaliis-sutissanik attartorsinnaataanissaat pingaartinneqarpoq, tassa sanaartukkat nutaat iluarsartuussine-rillu tamakkiisumik ilaannakortumillu aningaasaliisuteqarfiginissaanni. Tamatuma aningaasaqarnikkut allaffissornikkullu Qeqqata Kommunianut qanoq kinguneqarsinnaanissaa massakkut imaliinnarlugu oqaatiguminaatsorujussuovoq, kommuninilu inissiaatileqatigiiffisanut inatsisissatut siunnersuutit assiliartaleruminaallutik.

**Aallaffeqarfip naliliinera**

Allaffeqarfik immikkut inatsisissatut siunnersuut pillugu oqaaseqaatissaqanngilaq.

Allaffeqarfip borgmesterimut akissutissatut siunnersuutigivaa

**Innersuussut**

Suliaq communalbestyrelsimit paasissutissatut saqqummiunneqarpoq.

**Aalajangiineq**

**Ilanngussat**

1. KANUKOKA-p apriilip 1-ani 2011-mi mailerutaa ilanngussartalik.
2. Borgmesterip 10.05.2011-mi akissutaa.



**Imm. 05 2011-mi qaammatit siulliit pingasunut Qeqqani Inuutissarsiornermut Siunner-suisoqatigiit sularisimasaminnik nalunaarusiaat**

*Journalnr.01.07.10*

**Tunuliaqtaq**

Qeqqata Kommuniata Qeqqanilu Inuutissarsiutitigut Siunnersuisoqatigiit isumaqatigiissutaat naaper-torlugu, QIS qaammatit pingasukkaat naanerisigut killifitsik pillugu nalunaarusiortartussaapput.

**Maleruagassatigut tunngavissaq**

Qeqqata Kommuniata Qeqqanilu Inuutissarsiornermut Siunnersuisoqatigiit kiffartuussinissamik isumaqatigiissutaat, kommunalbestyrelsip februaarip 24-ni 2011-mi akuersissutigisaa.

**Pissutsit atuuttut**

**Qaammatit siulliit pingasut Qeqqani Inuutissarsiornermut Siunnersuisoqatigiit sularisimasaminni nalunaarusiaat**

**Januaari**

**Siunnersuinerit**

Sisimiut	2
Maniitsoq	2

***Sisimiuni Inuutissarsiutitigut ineriartortitsinerit***

- Ataatsimiinnerit arlallit februaarimilu innuttaasunik "Nammineq ineqarneq" pillugu ataatsi-miitsineq
- Ingerlaavartumik DanFish-imik Polar Fish-ip nutaamik aaqqissuunnissa pillugu attaveqateqar-neq
- Inuutissarsiornermut pisortap soraannginnerani sulianik tunniussuineq
- Suliap ilangaatsiaa ACR-imik ataatsimeeqateqarernut aaqqissuussinernullu il.il. atorneqar-tarpoq

***Maniitsumi Inuutissarsiutitigut ineriartortitsineq***

- Greenland Development, Alcoa pillugu suliassat killiffiisa misissuataarneri
- Ilanniartitsivissanik nutaanik aaqqissuussineq/pilersitsineq
- Suleqatigiinnerit Arctic Business Networks aqqutigalugu ineriartortinneri
- Illoqarfip nutaartassaa pillugu suleqatigiissitanik suliat assigiinngitsut pillugit ataatsimeeqatiginninnerit
- Inuutissarsiutitigut attartornemi suliat aalisarnermut siunnersorti peqatigalugu misissuataarneri
- "A taste of Greenland" pillugu pilersaarusrorluni ataatsimeeqatigiinneq.
- EUG-pillugu ataatsimiinneq



*Takornariaqarnikkut ineriertortitsineq, pingarnertut sammisat*

- Sumiiffimmi tamarmi illoqarfiup assingisa ineriertortinneri
- Mobiilit pillugit TG4NP NPP-mik teknologi atorlugu misigisassatigut pilersaarut – GTE-mik suleqateqarneq
- Arcticcircle.gl immersornera aaqqissuunneralu
- Kommunimi pilersaarummut ilassutigitinniakkat nunaannarmillu atuinissaq pillugu oqaloqa-ti-giinnerit
- A Taste of Greenland 3 pillugu pilersaarusanik aqutsineq
- Social Media in the Wild pillugu pilersaarusanik aqutsineq

**Februaarimi**

*Siunnersuinerit*

Sisimiut	3
Maniitsoq	1

*Sisimiuni Inuutissarsiutitigut ineriertortitsinerit*

- GTE-mi Sara Heilmann-mik paasissutissiisumvik ataatsimeeqatiginninnej
- "Nammeneq ineqarneq" pillugu pilerisaarusroneq, piareersaaneq ataqtigiiissaarinerlu
- "Nammeneq ineqarneq" pillugu Qeqqani Inuutissarsiornermut Siunnersisoqatigiit Sisimiut-ni-lu Sulisitsut peqatigiiffiata aaqqissuutaannik pilerisaarusroneq (iluatsilluartumik innutaa-sunik ataatsimiitsinkut)
- Uulia gassilu pillugit isumasioqatigiinnissamik aallarnisaammik ataatsimiinnerit
- Suliap ilangaatsiaa ACR-imik ataatsimeeqateqarnernut aaqqissuussinernullu il.il. atorneqartarpoq

*Maniitsumi Inuutissarsiutitigut ineriertortitsineq*

- Maniitsumi timersornikkut ilinniarnertuunngorniartarfekalernissaanik suleqatigiissitat
- Atuarfik Tamu-p pilersaarusroneera, sumiiffimmi inuuusuttunut suliffissaaleqisunut.
- "Angerlanngitsiarnermi ataatsimiinneq" Tyt peqatigalugu, Greenland Development
- Aallartitsiniat naatsorsusuoriaatsimik il.il. ilinniartitaanerat pillugu ataatsimeeqatigiinneq
- Mimi Karlsen-imit Kaali Olsen-imillu GU pillugu pulaarneqarneq
- Paneeraq Olsen-imit, Qeqqata Kommuni pulaarneqarneq paasissutissiillunilu ataatsimeeqatarneq.
- Killeqarfitt akimorlugit School entrepreneurship

*Takornariaqarnikkut ineriertortitsineq, pingarnertut sammisat*

- George Washington University v. Jim McCaul-mit avammut tuniniaanissamut pilersaarusaq
- Arcticcircle.gl immersornerata ingerlateqqinna ilusilersugaaneratalu oqaloqatigiissutanera
- DAC-mik assiisivimmik flickr.com/arcticcircleregion inissiineq
- Cruise Greenland Association-mik pilersitsineq
- Tammajuitsussarsiorluni piniartitsisarnermi akuersissuteqartarnissaq pillugu isumasioqati-giis-sitsineq
- 2011-mi Cruise pillugu Isumasioqatigiissitsineq
- A Taste of Greenland 3 pillugu pilersaarusanik aqutsineq
- Social Media in the Wild pillugu pilersaarusanik aqutsineq
- Sermitsiami Aasarik Adventure (massakkut Greenland Outdoors) pillugu allaaserinninneq
- Ornittakkami quppersagaq pillugu Sermitsiami allaaserinninneq



## **Marsimi**

### *Siunnersuinerit*

Sisimiut 5  
Maniitsoq 3

### *Sisimiuni Inuutissarsiutitigut ineriartortitsinerit*

- Ullut marluk atorlugit nutaaliorneq pillugu isumasioqatigiissitsineq
- Namminersorlutik Oqartussani sulisut pillugit paassisutissiilluni ataatsimiisitsineq
- Sivdleq-mi siulersuisuni ataatsimiinneq
- Suliap ilangaatsiaa ACR-imik ataatsimeeqateqarnernut aaqqissuussinernullu il.il. atorne-qartarpoq

### *Maniitsumi Inuutissarsiutitigut ineriartortitsineq*

- Inuuusuttu aallartitsiniat eqqarsaatigalugit NPP-pilersaarut pillugu Nuummi ataatsimiinneq
- Nuummi 2011-mi Future Greenland
- A taste of Greenland pillugu suleqatigiissitanik ataatsimeeqateqarneq.
- Umimmannik atorluaanissaq AGF-ilu pillugit Kommuneqarfik Sermersooq peqatigalugu Ar-summut tikeraarneq.
- Aallartitsiniat attartorsinnaanerat pillugu Grønlandsbank-imik oqaloqatiginninneq.
- Ukiut pingasut qaangiuppata qeqquasanik atuilersinnaaneq pillugu Danisco-mik ataatsimeeqateqarneq.
- Sanaartornermik sulialinnik ataatsimeeqateqarneq

### *Takornariaqarnikkut ineriartortitsineq, pingaarmertut sammisat*

- A Taste of Greenland 3 pillugu pilersaarusanik aqutsineq
  - TOFG3-mik immiussat aaqqissuussinerlu pillugit marsip 18-ianit apriilip 4-nut inger-latsinissaq
- Social Media in the Wild pillugu pilersaarusanik aqutsineq
  - Marsip 18-ianit marsip 31-ata tungaanut filmiorluni ingerlatsineq
- Takornariaqarnermik ineriartortitsineq suliaqarnerillu pillugit Sermitsiami ilangngussassanik ar-fineq-pingasunik allaaserinninnerit
- Future Greenland CSR pillugu isumasioqatigiinneq – 2011-mi misigisassarsiorluni takorna-riaqarnermi pingaartitanut nalinginnaasumillu ineriartortitsinissamut ataqtigissaarneqas-saaq.
- Paasissutissiiviit pillugit pilersaarutit – ikkussuunneri piareersarnerilu

### *Aningaasaqarnermut ataatsimiitaliami suliap suliarinera*

Aningaasaqarnermut ataatsimiitaliap maajip 17-ani 2011-mi ataatsimiinnermini suliaq paasissutis-satut tiguaa.

## **Innersuussut**

Suliaq communalbestyrelsimit paasissutissatut saqqummiunneqarpoq.

## **Aalajangiineq**

### **Ilanngussaq**

Ilanngussaqangilaq



**Imm. 06 Kommunimi pilersaarummut tapiliut nr. 40 pillugu paasissutissiissut**

*Journalnr. 16.03*

**Tunuliaqtaq**

Kangerlussuarmi inissamik, pingaartumik ilaqtariinnut ataatsinut illunik qinnuteqartut annertusi-artuinnartut akuersissuteqarfiginissaat anguniarlugu kommunimut pilersaarummut tapiliussaq una suliarineqarpoq.

Inuutissarsiuuteqarfik B4-p kujataatungaa inissiaqarfinngorlugu Kommunimut pilersaarummut tapiliussakkut allanngortinniarneqarpoq. Immikkoortoq inissiaqarfimmut ilaqtariinnut ataatsinut illutaqartumut kiisalu kiffartuussiveqarfiusumut pissusissamisoortumik uiggiutaasinnaasumi inissimavoq.

**Maleruagassatut tunngavissaq**

Pilersarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq, ilanngussaq 2 takuuk.

**Pissutsit atuuttut**

Immikkoortitaq ullumikkut suliffeqarfiuvoq, tassaniillutik katersugaasivik B-1714, sulisunut inissiaq B-1715, inersuaq toqqorsivik B-1718 telekrydsfeltilu B-1719 kiisalu kiisalu US-basep nukissiorfikuata kujataatungaani illut atorneqanngitsut marluk B-1716 aamma B-1717.

Pilersaarutitut siunnersuummut tusarniaanermi akissutinik arfinilinnik tigusaqartoqarpoq. Illuatungeriit pingasut Isumaginninnermut, Kultureqarnermut, Ilageeqarnermut Naligiisitaanermullu Naalakkersuisoqarfik (IKIIN), Peqqissutsimut Naalakkersuisoqarfik aamma Kalaallit Nunaanni Rigsombudsmandi oqaaseqaatisaqanngillat. Illuatungeriilli pingasut Nunamut Namminermut, Pinngortitamut Avatangiisinullu Naalakkersuisoqarfik, Ineqarnermut, Attaveqarnermut Angallanermullu Naalakkersuisoqarfik aamma Kangerlussuarmi Mittarfik annikitsunik ikittunnguanik allaf-fissornikkullu allanngortinnejartussanik ilassutissaqarput sapinngisamillu akuerineqartunik, tak. ilanngussaq 4.

**Aningaasaqarnikkut allaffissornikkullu kingunerisinnaasai**

Tamakkiisumik sanaartorfigissaasoqarnissaa 5.974.900 koruuninik missiliunneqarpoq. Sanaartorfifissaaneq  $m^2$ -imut agguataarneqassaaq. Immikkoortup immikkoortuani sanaartorfissat tulliuttutut annertutigipput:

A7.1: 1440  $m^2$

A7.2: 1080  $m^2$

A7.3: 2000  $m^2$

A7.4: naammassillugu sanaartorfiooreerpoq

A7.5: 2100  $m^2$

Katillugit 6620  $m^2$ -iupput, taamaalilluni  $m^2$ -imut 902,55 koruuneqassaaq.

Assersuutigalugu ilaqtariinnut ataatsinut illu 150  $m^2$ -isut annertutigisumik toqqavilik 135.383 koruuneqarpoq.



Sanaartorfigissaanissamut kontomi 77-70-30-mi 2,56 mil. koruuninik immikkoortitsisoqarnikuovoq. Taakku sanaartorfigissaanissami immikkoortoq 1 matulluarsinnaavaat immikkoortunullu marlunnut sinneruttunut ungasinnerusumi aningasanik amerlanerusunik immikkoortitsisoqartariaqassaaq.

Pileraarut tamanut saqqummiunneqassaaq.

**Qullersaqarfiup oqaaseqaatai**

Immikkut oqaaseqaatitassaqanngilaq

**Allaffeqarfiup naliliinera**

Kangerlussuarmi inissaaleqineq pileraarummut siunnersuutikkut aaqqinneqassaaq, immikkoortumullu kiisalu nunataanut naleqqussagaasunik assigiinngisitaartunik sanaartortoqarnissaanut periarfissiilluni. Allaffeqarfiup innersuussutigissavaa, kommunip pileraarusiorneqarnerani tapiliussaq 40 akuersissutigineqassasoq.

**Allaffeqarfiup innersuussutaa**

Allaffeqarfiup aningasaqarnermut ataatsimiitaliamut innersuussutigissavaa, taamaalilluni kommunimi pileraarut Nunamut namminermut, Pinngortitamut Avatangiisinullu Naalakkersuisoqarfiup oqaaseqaataanut tigusanut iluarsiisuteqarfagalugu, takuuk ilanngussaq 5.

**Aningasaqarnermut ataatsimiitaliamit suliap suliarinera**

Aningasaqarnermut ataatsimiitaliap maajip 17-ani 2011-mi ataatsimiinnermini allaffeqarfiup innersuussutaa akuersissutigivaa.

**Borgmesterip suliamik suliaqarnera**

Ilanngussaq 5-imni taaneqartutut Nunamut namminermut, Pinngurtitamut Avatangiisinullu Naalakkersuisoqarfiup oqaaseqaataanut tigusanut iluarsiisuteqarfagalugu, kommunip pileraarusiorneqarnerani tapiliussaq 40 akuersissutigineqassasoq, communalbestyrelsi sinnerlugu maajip 18-ani 2011-mi borgmesteri aalajangiivoq.

Aalajangiineq pillugu communalbestyrelsi tullissaanik ataatsimiileruni ilisimatinneqassaaq.

**Innersuussut**

Suliaq communalbestyrelsimeut paassisutissatut saqqummiunneqarpoq.

**Aalajangiineq**

**Ilanngussat**

1. Kangerlussuarmi mittarfiup kujataatungaani inissiaqarfissatut kommunimi pileraarummut tapiliusaq nr. 40-tut siunnersuut
2. Pileraarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq.
3. Sanaartorfigissaanissamut missiliuut.
4. Illuatungeriinnit pingasuusuniit oqaaseqaatissaqartuniit tusarniaanermi akissuteqaatit
5. Kangerlussuarmi kommunimi pileraarut pillugu Nunamut namminermut, Pinngurtitamut Avatangiisinullu Naalakkersuisoqarfiup oqaaseqaatai maajip 13-ani 2011-meersut (qallunaatuinnaq)



**Imm. 07 2010-mut ukiumoortumik nalunaarusiaq iluarsisaq pillugu paasissutissiissut**

*Journalnr. 06.03.01*

**Tunuliaqtaq**

Kukkunersiusut maluginiaqqusimavaat, ukiumoortumik nalunaarusiamit aningaasaqarnermut tunngasut kukkuneqartut, taamaattumillu ukiumoortumik nalunaarusiaq kommunalbestyrelsimit akuersissutaasimagaluqaq iluarsineqarnissaat pissusissamisuussasoq.

Tamatuma malitsigisaanik aningaasaqarnermut immikkoortortap ukiumoortumik nalunaarusiaq aningaasaqarnermut tunngasortaatigut allatigullu minnerusutigut soorlu sulisoqarnermut nalunaaru- siartaa iluarsiiffigisimavai.

**Maleruagassatigut tunngavissat**

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq, § 46 - § 50 naatsorsuusiorneq naatsorsuutillu.

**Pissutsit atuuttut**

Iluarsissutit apríilimi kommunalbestyrelsimit saaqqummiussami naammassisut tunngassutaasigut oqaaseqaatitamigullu allannguuteqaataanngilaq.

Naatsorsuutit inernerini takuneqarsinnaavoq, sanaartornermi aningaasartuutit qitiusumillu aningaa- saliissutit nuutsinneqanginneranni 2010-mi kommuni 11,3 mio. koruuninik sinneqartoorteqarsi- masoq; taannalu ima takussusiorneqarpoq

**Mio. Kr.**

<b>Konto</b>	<b>B 2010</b>	<b>R 2010</b>
Isertitat	+528,4	+536,8
Ingerlatsinermi aningaasartutit	- 491,6	-485,9
Ingerlatsinermi angusat	+ 36,8	+ 50,9
Sanaartornermi aningaasartuutit	-91,3	-39,6
Katillugit	-54,5	+11,3

Kommuni 536,8 mio. koruuninik isertitsisimaasoq, 485,9 mio. koruuninillu aningaasartuuteqarsi- masoq, 2010-mut naatsorsuutit inernerini takuneqarsinnaavoq. Tamatuma kingunerisaanik kommuni ingerlatsinermi 50,9 mio. koruuninik sinneqartoorpoq. Sinneqartoortut taakku sanaartornermut tunngasuni pitsanngorsaanernut nutarterinernullu, nutaanillu sanaartornermut atorneqarsimapput. 2010-mi sanaartornermi aningaasartuutit katillugit 39,6 mio. koruuniupput, taamaallunilu kommuni sanaartornissamut aningaasat qitiusumillu aningaasaliissutit nuutsinnagit kommuni katillugit 11,3 mio. koruuninik sinneqartoorluni.

2010-mi 528,4 mio. koruunit isertitassatut missingersuusiarineqarsimallutik, 536,8 mio. koruunit isertinnejqarsimapput. Missingersuusiarineqarsimasunut sanilliullugu 8,4 mio. koruunit sinnerlugit isertinnejqarput. Ingerlatsinermi aningaasartuutissattut 491,6 mio. koorunit missingersuusiarineqar- simallutik 485,9 mio. koruunik aningaasartuutigineqarsimapput. Missingersuusiarineqarsimasunut sanilliullugu 5,7 mio. koruuninik minnaarluni atuisoqarsimavvoq. Sanaartornermi aningaasartuutissatut 91,3 mio. koruunit missingersuusiarineqarsimallutik 39,6 mio. koruunit aningaasartuutigine- qarsimapput. Missingersuusiarineqarsimasunut sanilliullugu 51,7 mio. koruuninik minnaarluni atuisoqarsimavvoq.



**Aningaaasarnikkut allaffissornikkullu kingunerisinnasaai**

Aningaasaqarnermut tunngasut allannguutaata kommunip namminerisaminik aningaaasaqarniarneranut 177,5 mio. koruuninut naatsorsugaasuniit 188,2 mio. koruuninut iluaqutaaginnassaaq. Tamatumuna 10,7 mio. koruuninik pitsannguteqataassalluni.

**Qullersaqarfiup oqaaseqaataa**

Immikkut oqaaseqaatitassaqanngilaq.

**Allaffeqarfiup naliliinera**

Allaffeqarfiup kukkusimaneq ajuusaarutigivaa, tamannali kommunimut pingarnertut aningaasaqarnermut tunngasutigut allannguiteqaataanngilaq. Aningaasaqarnerlu suli: Ajunngivissumik karsimi uninngasuuteqarpoq, pingarnertigullu ingerlatsinikkut sinneqartooruteqarnermigut akileraarutissat Kommuneqarfik Sermersooq assigalugu, Kalaallit Nunaanni appasin-nerpaq 25 procentimiitiinnaraluarlugu Kommune aningaasatigut pitsasumik inissisimavoq. Kommunalbestyrelsili sanaartugassatigut kissaatigisamigut akileraarutit procentiat eqqarsatigalugu akilersinaanngitsumik qaffasippallaamik inissisimavoq. 2011-mut missingersuutitigut ingerlatsinermut tunngasuni 5 procentimik sipaarniarfiugaluarpalluunni ingerlatsivik naliliivoq, ingerlatsinikkut aningaasartuutinik pisariillisaanertigut sulisussarsiuussinertigullu ingalassimaartitsinikkut siunissami aningaasatigut sakkortuumik aqutsisoqarnissaq ingerlatiinnarneqassasoq.

**Allaffeqarfiup innersuussutaa**

Allaffeqarfiup siunnersuutigissavaa, Aningaasaqarnermut ataatsimiittitaliap borgmesterimut inner-suussutigissaga, kommunalbestyrelsi sinnerlugu borgmesterimit akuersissutigineqassasoq,

2010-mut ukiumoortumik nalunaarusiaq iluasiissutitalik akuersissutigineqassasoq, kukkunersiusunnullu nassiunneqarluni.

**Aningaasaqarnermut ataatsimiittitaliami suliap suliarinera**

Aningaasaqarnermut ataatsimiittitaliap maajip 17-ani 2011-mi ataatsimiinnermini allaffeqarfiup innersuussutaa akuersissutigivaa.

**Borgmesterip suliamik suliaqarnera**

2010-mut ukiumoortumik nalunaarusiaq iluarsiissutitalik akuersissutigineqassasoq, kukkunersiusunnullu nassiunneqarluni, kommunalbestyrelsi sinnerlugu maajip 18-ani 2011-mi borgmesteri aalajangiivoq.

Aalajangiineq pillugu communalbestyrelsi tullissaanik ataatsimiileruni ilisimatinneqassaaq.

**Innersuussut**

Suliaq communalbestyrelsimit paassisutissatut saqqummiunneqarpoq.

**Aalajangiineq**

**Ilanngussat**

1. 2010-mut ukiumoortumik nalunaarusiaq



**Imm. 08 Sarfannguani Kiffartuussiviup oqoqarnera B-872-imullu nuukkallarneq pillugu immikkut aningaasaliissutit pillugit paassissutissiissut**

*Journalnr. 22.02.03- B1289-B872*

**Tunuliaqtaq**

Sarfanguani kiffartuussivimmi oqoqalersimasinnaaneranik misissuisoqarsimavoq. Misissugassat piikkat takutippaat, annertoqisumik oqoqartoq. Taamatuttaaq illup najummisui takusaasumik isugutallutik.

**Maleruagassatigut tunngavissaq**

Illut kiffartuussiviit konto 2-p ataaniippuit.

Immikkut aningaasaliinissamik suliap teknikkimut avatangiisinullu ataatsimiitaliaq aningaasaqarnermullu ataatsimiitaliaq aqquaartussaavai.

**Pissutsit atuuttut**

Ukiorpaalussuarni uffarfefqarfimmi qoorut ussiissimapput (silikonemik ussissagaanngitsut), taa-matutillu imeq uffarnermi atugaq naqqata qisuttaanut kusertarsimalluni, taamalu oqoqalersitsimalluni.

Kiffartuussiviup matugallarnissaa illumullu 67/12, B-872-imut najugarineqanngitsumut nuukkallarnissaa, taannalu 189.000 koruunit missaannut iluarsartutassaavoq.

B-872-imi illumi errorsivinnik marlunnik panersiivimmillu pisisoqartariaqarpoq, errorsiviit annertuumik errorsinermi atugassiat marluusut oqimaatsorujussuupput (ataaseq 100 kiilut missaat) illullu sannaata taamatut oqimaatsigisut immaqa nammassinnaanagit. Taamatuttaaq innallagissat suliari-laagassaassapput, kiffartuussiviup atorfissaqatitaanut errorsiviit marluk, panersiivik qarasaasiat il.il. naleqquutunngorlugit.

B-872-imi erngup aqquataa qerisoorluni qaartoornikuusimavoq, massakkut iluarsineqarsimasumik.

**Aningaasaqarnikkut allaffissornikkullu kingunerisinnaasai**

B-872:

• Ruujorilerisut suliassaat, Brøndum faktura nr. 612600 (suliarineqareerput)	kr.	51.147,30
• Ruujorilerisut suliassaat, Brøndum faktura nr. 612610 (suliarineqareerput)	kr.	11.173,47
• Innaallagisserisut suliassaat, Elektrikerit (missiliut)	kr.	24.575,00
• Illumi maskiinat atugassat, Kaataq EL (suliarineqareerput)	kr.	19.485,00
• Sanasut suliassaat, BS-Byg	kr.	72.700,00
• Siumut ilisimaneqanngitsut 5 procentit	kr.	9.000,00
B-872-imut missiliut A katillugit	kr.	188.080,77
• Missiliut C kiffartuussiviup iluarsaanner	kr.	500.000,00
<b>Katillugit</b>	<b>kr.</b>	<b>689.000,00</b>

TAI-mi imm. illunik nakkutiliisoq sinnerlugu nakkutiliisoqarnissaa naatsorsuutigisariaqarpoq, sanaartornermilu immaqa suliaqartussamik, taakku konto 11-ikkut ingerlassapput.

Tamatuma aningaasaqarnikkut kingunerissavaa, kommunip karsianiit 689.000 koruunit tigusariaqarnissaat.



**Qullersaqarfiup oqaaseqaataa**

Immikkut oqaaseqaatitassaqanngilaq.

**Allaffeqarfiup naliliinera**

Illu kiffartuussivimmi B-1289-imi piaernerpaamik salinneqartariaqarpoq, kiisalu iikkat naqqalu iluarsartullugit. Taamatuttaaq kiffartuussivik matullugu B-872-imullu nuukkallarlugu.

Taamaattumik tulliuttunut immikkut aningaasaliisoqarnissaanik qinnuteqaateqartoqassaaq:

B-872-ip piareersarnera maskiinanillu assigiinngitsunik pisineq: kr. 189.000,-

Kiffartuussiviup salinnera naqqatalu ajoquusersimasup iluarsartuunnera: kr. 500.000,-

Katillugit kr. 689.000,-

**Allaffeqarfiup innersuussutaa**

Teknikkimut avatangiisinullu ataatsimiitaliap siulittaasuanut innersuussutigineqassaaq, Teknikkimut avatangiisinullu ataatsimiitaliaq sinnerlugu borgmesterillu kommunalbestyrelsi sinnerlugu akuersissutigissagaat,

B-872-ip kiffartuussiviugallarnissamut piareersarneranut 189.000 koruuninik immikkut aningaasa-liisoqarnissaq.

kiffartuussivimmi ajoquusersimanernik iluarsartuussinermut oquiaanermullu immikkut 500.000,- koruuninik aningaasaliissuteqartoqassasoq.

**Teknikkimut Avatangiisinullu ataatsimiitaliap siulittaasuata suliamik suliaqarnera**

Teknikkimut Avatangiisinullu ataatsimiitaliap siulittaasuata maajip 23-ni 2011-mi allaffeqarfiup innersuussutaa akuersaarppaa.

**Borgmesterip suliamik suliaqarnera**

Borgmesterip kommunalbestyrelsi sinnerlugu maajip 23-ani 2011-mi aalajangerpaa, allaffeqarfiup innersuussutaa akuerineqassasoq.

Kommunalbestyrelsi tullianik ataatsimiinnerani aalajangiinermik ilisimatinneqassaaq.

**Aningaasaqarnermut ataatsimiitaliami suliap suliarinera**

Aningaasaqarnermut ataatsimiitaliap juunip 7-ani 2011-mi ataatsimiinnermini suliaq paassisutissatut tiguaat.

**Innersuussut**

Suliaq kommunalbestyrelsimit paassisutissatut saqqummiunneqarpoq.

**Aalajangiineq**

**Ilanngussat**

1. Assit
2. Neqeroorutit tigusat akiligassallu



**Imm. 09 Qeqqata Kommuniani atuarfiit siuarsarneqarnissaat pillugu ilisimatitsissutip aappaat**

*Journalnr. 51.00*

**Tunuliaqtaq**

Kommunimi atuarfinni killiffiit alloriarfinni angusat, soraarummeernerit, inaarutaasumik misilitsinnerit nalilersuinerillu tunngavigalugit 2011-mi Atuarfinnik isumasioqatigiisitsisoqarnerani Inerisaavik saqqummiussaqarpoq. Aammattaaq atuarfinni arlalitsigut pitsanngorsaasoqartariaqarneranik ataatsimut takutitsisumik atuarfinni nukinnik atuisarnermi takussutissiat saqqummiunneqarput, pingaartumik kommunimi aaqqissuussaanermut aqutsinermut tunngasut eqqarsaatigalugit.

Meeqqat atuarfiini suliniuteqartoqarnissaa Qeqqata Kommuniata communalbestyrelsanit kissaataavoq, tamatumani Atuarfinnik siuarsaanissami Pilersaarut tunuliaqutaralugu, tassungalu atatillugu sulisussanik aqutsisoqatigiinnik suleqatigiisitamillu pilersitsisoqarpoq, taakkulu Kommunalbestyrelsip 2011-mi apriilip 28-ani ataatsimiinnermini akuersissutigisai suliassiissutit piffissaliussallu naapertorlugit sulisussaapput.

2011-p sinnerani Kommunalbetyrelsit ataatsimiinnerini killifimmik ilisimatitsisoqartarnissaanik piffissaliussat imaqarput.

**Maleruagassatigut tunngavissaq**

Atuarfik pillugu Inatsisartut peqqussutaat nr. 8, 21. maj 2002-meersoq.

**Pissutsit atuuttut**

Qeqqata Kommuniani allaffeqarfik suliassiissutissaliornikuvoq, taakkulu Kommunalbestyrelsip 2011-mi apriilip 28-ani ataatsimiinnerani akuersissutigineqarlutik. Suliassiissutini imaralugit suleqatigiisitap aqutsisoqatigiillu najoqquassaat, atuarfiit siuarsarneqarnissaanni aaqqiissutissanik siunnersuusiornermi pimoorullugu sulisoqarpoq, tassunngalu tunngasumik suliaqarneq pillugu aappasaanik ilisimatitsissuteqarneq matumuuna malinnaatinneqarpoq.

**Suleqatigiisitap isiginiagaa:**

**1) Ukiutut pilersaarutit.** Atuarfinni pisortat piffissaliussanut takussutissanik tunineqassapput, taakkulu inatsisit tunngaviusut isumaqatigiisutillu naapertorlugit eqqortinnejartussaapput. Ukiutut pilersaarutit illoqarfinni nunaqarfinnili atorneqarsinnaanngorlugit suliaapput.

**2) Immikkut atuartitsineq.** Immikkut atuartitsinermi aningaasartuit annertorujussuupput, atuartu-nillu immikkut atuartinneqartussanik innersuusseriaaseq atuarfinni manna tikillugu assigiinngitsumik ingerlassarluni. Aammattaaq naatsorsuutigineqarpoq, atuartut immikkut ikiorneqarnissamik pisariaqartitsisut nalinginnaasumik avatangiiseqartillugit atuartinneqartalersinnaaneri eqqumaffigineqarnerulissasoq.

**3) Katataaqgasut.** Atuartut tunngaviusumik piginnaasatigut piginnaasaqaratik meeqqat atuarfinit anisut Qeqqata Kommuniani amerlasoorujussuupput. Tamatumanili assigiinngitsorpassuanik patsisaapput. Katataasoqartarneranik pinaveersaartitsinissamik siunnersuut suleqatigiisitap pilersaarum-mik suliaqarnermini utaqqimaassavaa. Pilersaarut Masterinngorniarlutik ilinniagaqartut juunimi naammassisussat, ilinniarneranut ilaatillugu suliaavoq.



**4) Atuarfinni siulersuisut.** Kommunimi atuarfiit siulersuisui aalajangiisinnaatitaanermut akisussaaf-finnnullu tunngasunik sakkussalorsorneqarput. Atuarfiit siulersuisui sulinerminnut atatillugu sakkus-saqarluarsinnaaqqullugit, taakkunani siulittaasut atuarfiillu pisortaannik immaqalu sulisut sinni-saannik pikkorissartitsinissaq siunnersuutaavoq. Tamatumani kommunip aaqqissuussaanerata atuutilersinneqarnissaa kiisalu politikkikkut allaffissornikkullu aalajangiisarnerup ersarissarneqarnissai ilanngullugit. Pikkorissarneq pillugu nassuaatit pigineqarput.

**5) Siusissukkut suliniutit / oqartussaasoqarfait assigiinngitsunik suliallit suleqatigiiffiat.** Atualertus-samik angajoqqaavinillu piareersartitsisarneq pitsanngorsarneqarsinnaavoq. Suleqatigiisitamit siunnersuutigineqarpoq, atuarlertusanut tunngasumik suliallinni pisortat kommunimi meeqqueriviit allaffii juunip 5-ianii 9-it ilanngullugu isumasioqatigiisinneqarnissaanni qaaqquneqassasut. Atualersitsisarneq eqqarsaatigalugu meeqqueriviit atuiarfíllu akornanni ingerlaneq pitsanngorsaanis-sami, siunissaq alimasinnerusoq malittarisassatullu killiliussat eqqarsaatigalugit eqqarsartoqarpoq.

Attaveqarfíit ataatsimiittarneri Qeqqata Kommunianit aamma pilersinnejqarput, matumani meeqqat inuusuttullu immikkut pisariaqartitsisut pillugit suliniarnermi tamakkiisumik eqqarsaatiginninnermi annertusaanissaq pineqarluni. Tassunakkut nukittorsarneqassalluni, soorlu miljøarbejderit, atuarfiit, sunngiffimmi ornittakkat, meeqqueriviit angajoqqaallu akornanni ileqqussaq malillugu suleqatigiinneq. Attaveqarfíit ataatsimiittarneri aallaqqaammut Sisimiuni ingerlanneqartassapput, piffissarlu ingerlatilaariarlugu kommunip sinneranut siamarneqarnissaa naatsorsuutigineqarpoq.

### **Aqutsisoqatigiit isiginiagaat:**

**1) Pisinnaatisisarnerit.** Atuarfinni pisortat pisinnaatisinermut tunngasoq ersarinnerusoq 2011-mi Atuarfiit isumasioqatigiisinneqarneranni ujartorpaat. Ilinniartitaanermut Immikkoortortami pisin-naatisinermut tunngasoq 2010-mi marsimi Kommunalbestyrelsimit akuersissutigineqarpoq. Pisin-naatisisarnermut tunngasoq akuersissuttaareersoq nalinginnaasunik nutarterinissamik siunertaqar-tumik, ilaatigut ilinniartunut inissiaqartitsisarnermi aaqqissuussaaneq iluarsartuunneqarpoq.

### **Siunnersortip isiginiagaai:**

**1) Atuarfiup aaqqissuussaanera.** Allaffeqarfíup ilaatigut naatsorsuutigaa, kommunimi atuarfeqarfíit pingaarnertut aaqqissuussaanera aamma atuarfimmi aaqqissuussaanelmi assigiinngitsutigut aqutsi-nermi allaffissorneq atuartitsinerlu sammivinnit assigiinngitsutigut siunnersortimit misissuiffigine-qassasut.

**2) Aningaasaqarneq nukinnillu atuineq:** Meeqqat atuarfiini aningaasaqarneq nukinillu atuineq misissuiffigineqarpoq. Ilinniartitsisut sulinerminni piffissamik atuilluarnerusalernissaat, vikarinik atuinermi aningaasartuutinik annikillisaanissaq kiisalu immikkut atuartitsinermi annertusisamillu immikkut atuartitsinermi pisariaqartitsinerup annikillisarneqarnissaat ilaatigut sammisassaqqipput.

### **Aningaasaqarnikkut allaffissornikkullu kingunerisinnaasai**

Aningaasaqarnikkut atuiffiunerunissaat naatsorsuutigineqanngilaq. Atuarfinni allaffissornermilu ulluinnarni aqutsinermi immikkoortuni atuutitilersinneqarneri ilutigalugu, allaffissornertaani anguniagaqarnerusumik aqutsinissaq naatsorsuutigineqarpoq.

Siunnersorteqartitsinermi aningaasartuutit atuarfiup missingersuutaatigut matussuserneqartassapput.



**Qullersaqarfiup oqaaseqaataa**

Annertunerusumik oqaaseqaatissaqanngilaq.

**Allaffeqarfiup naliliinera**

Sulineq piffissaliussat naapertorlugit ingerlavoq. Allaffeqarfiup nalilerpaa, immikkoortut atuarfimmi suleriutsimi atuutilersinneqarnissaat unamminiarnarnerpaassasoq.

**Ilinniartitaanermut Kulturimut sunngiffimmullu ataatsimiitaliami suliap suliarinera**

Ilinniartitaanermut Kulturimut sunngiffimmullu ataatsimiitaliap maajip 30-ani 2011-mi ataatsi-miinnermini suliaq paasissutissatut tiguaa.

**Innersuussut**

Suliaq kommunalbestyrelsimit paasissutissatut saqqummiunneqarpoq.

**Aalajangiineq**

**Ilanngussaq**

Ilanngussaqaqanngilaq



**Imm. 10 Qeqqata Kommuniani inuit sulisinnaasut piffissami Ukioq 2011-miit 2021-mut  
utoqqalinersiaqalersussat pillugit nalunaarusiarineqarneri**

*Journalnr.*

**Tunuliaqutaq**

Qeqqata Kommunia-ni inuit sulisinnaasut piffissami Ukioq 2011-miit 2021-mut utoqqalinersiaqalersussat kiisalu sulilersinnaanermut ukiorititat qassit angussaneraat pillugit nalunaarusiaq. Tamanna tunngavigalugu misissuinerit nalunaarusiornerillu ingerlateqqinneqarput.

Sulisinnaasutut naatsorsuutigisat Kommuni tamaat 2011-miit 2021-mut sulisinnaasutut naatsorsuutigilerumaagassat ukioq 1996-miit 2006-mut inunngorsimasut.

Ukiunut  
agguaataarlugit.

Inuuifik	Ukioq sulisinnaalerfik	Katillugit
1996	2011	159
1997	2012	168
1998	2013	133
1999	2014	138
2000	2015	151
2001	2016	138
2002	2017	132
2003	2018	131
2004	2019	138
2005	2020	140
2006	2021	139
<b>Katillugit:</b>		<b>1.567</b>

Angutit	Arnat
<b>796</b>	<b>771</b>

Sulilersinnaasutut naatsorsutigisat Ukioq 2009-mi siullermik naatsorsorneriniit 62-nik ikileriarsimapput 1.629-ninngaaniit 1.567-ngorsimagamik, tassani ukiut marluk nikingassutaasut iluani inunngortut amerlassusaat aammalu nuuttarneq peqqutaallutik.

Sulisinnaasutut naatsorsuutigisat Kommuni tamaat 2011-miit 2021-mut utoqqalinersiuteqalernissamut ukiorititanut killissarititaasunik angusisussat naatsorsorneri ukioq 1946-miit 1956-mut inunngorsimasut.



Ukiunut  
agguataarlugi  
t

<b>Inuuuffik</b>	<b>Ukioq utoqqalerniaqalerfissaq</b>	<b>Katillugit</b>
1946	2011	76
1947	2012	65
1948	2013	82
1949	2014	80
1950	2015	102
1951	2016	82
1952	2017	94
1953	2018	93
1954	2019	119
1955	2020	135
1956	2021	115
<b>Katillugit:</b>		<b>1.043</b>

<b>Angutit</b>	<b>Arnat</b>
<b>626</b>	<b>417</b>

Kisitsisit assiginngiaraluartut taamaattoq takuneqarsinnaavoq, Qeqqata Kommuniani naliginnaasumik utoqqalinersiuteqalernissamut ukiorititanik ukioqalersussat ukiut qulit qaangiunnerini marloriaatinngorsimanissaat aammalu Ukioq 2009-mi kingullermik nalunaarusiorneqarneriniik ukiut marluunnaagaluartut utoqqalinersiaqalersussat 80-nik amerleriaateqarsimapput, tassani inuit utoqqalinersiaqalersussamut ukioqalersussat amerleriaateqarnerat pissutaaneruvoq.

#### Allaffeqarfiup naliliinera

Suliffissarsiuussisarfiup nalilerpaa, maannakkut Qeqqata Kommuniani sulisinnaasutut naatsorsuutigisat katillugit 6.500 missaaniittut, taakkunannga 1.043-t ukiuni 2011-miit 2021-mut utoqqalinersiuteqalernissaminnut ukiorititanik ukioqalersussat, kiisalu piffissami tassani sulilersinnaasutut naatsorsuutigilerumaagassat 1996-miit 2006-mut inuusimasut 1.567-ullutik.

#### Allaffeqarfiup innersuussutaa

Suliffissarsiuussisarfiup Inuussutissarsiutinut Suliffissaqartitsiniarnermullu ataatsimiitaliamut innersuussutigaa nalunaarusiaq tusaatissatut tiguneqassasoq, Aningaasaqarnermullu ataatsimiitaliamut ilisimatitsissutitut ingerlateqqinneqassasoq.



**Inuussutissarsiutinut Suliffissaqartitsiniarnermullu ataatsimiitaliami suliap suliarinera**

Inuussutissarsiutinut Suliffissaqartitsiniarnermullu ataatsimiitaliap juunip 1-ani 2011-mi ataatsi-  
miinnermini suliaq tusaatissatut tiguaa.

Paasissutissatut kommunalbestyrelsimit nassiunneqassasoq kissaatigineqarpoq

**Innersuussut**

Suliaq kommunalbestyrelsimit paasissutissatut saqqummiunneqarpoq.

**Aalajangiineq**

**Ilanngussat**

1. Nalunaarsuut, sulilersussat suliunnaartussallu amerlassusaat (inuusuttut, utoqqaat, angutit/arnat)
2. Nalunaarsuut, utoqqalinersiaqalersussat amerlassusaat.
3. Nalunaarsuut, sulilersinnaalersussat amerlassusaat.



## **Imm. 11 Akiliisinnaajunnaarnermi FBS-imiit pissarsiat tunniunnissaat**

*Journalnr.*

### Tunuliaqutaq

Apriilip 14-ni 2011-mi 284.450,21 koruunit kommunip Grønlandsbank-imi kontoanut ikineqarsi-mapput. Aningaasartai ”Foreningen til Begrænsning af Skadeudgifter i Kommuner og Regioner f.m.b.a.” (FBS) –ip akiliisinnaajunnaarnerani pissarsiassaapput.

### Maleruagassatigut tunngavissaq

Qeqqata Kommuniani karseqarnermut naatsorsuuserinerimullu malittarisassat.

### Pissutsit atuuttut

Kalaallit Nunaanni kommunit qallunaat nunaanni kommunit immikkortullu (siusinnerusukkut amtet) peqatigalugit ”Foreningen til Begrænsning af Skadeudgifter i Kommuner og Regioner f.m.b.a.” (FBS)-mi peqataasimapput. Kalaallit Nunaanni kommunit siulersuisuni marlunniq ilaasortaataqar-simallutik. Peqatigiiffiup ileqqoreqqaani § 2 naapertorlugu siunertarisimavaa, kommunini im-mikkoortunilu ajutoornernut aningaasartuutit anikkillisarnissaat. Siunertarlu timitalerneqartarluni ilaasortat akornanni ajutoorsinnaanerit ingalassimaarniartinnerisigut, soorlu sillimaniarnerit aqunne-risigut, qulakkeerinninniarnertigut ajutoornerillu iliuuseqarfingisarnerisigut.

Maajip 6-ni 2010-mi peqatigiiffiup ataatsimeersuarnerani aalajangiunneqarpoq, nammineq piumas-suserisamik akiliisinnaajunnaarneq nalunaarutigineqassasoq. Akiliisinnaajunnaarnermik ingerlatsi-sussatut toqqaneqarluni advokat Jeppe Skadhauge advokatfirmaet Bruun & Hjejle-meersoq.

Akiliisinnaajunnaarnermut tunngasut massakkut naammassineqarsimalerput, advokatfirmaet Bruun & Hjejle-llu 284.450,21 koruunit Grønlandsbank-imi konto 6471-2020219-mut ikisimallugit.

### Aningaasaqarnikkut allaffissornikkullu kingunerisinnaasai

FBS-ip akilisinnaajunnaarnerata kinguneranik kommuni 284.450,21 koruuninik isertitaqarpoq. Konto 86-01 (Isertitat allat) aningaasaliiffiunikuunngilaq, taamaattumillu immikkut aningaasaliis-suteqarnissaq qinnutigineqarluni. Apriilip 4-ni 2011-mi 86-01-00-79-01-imut 4.419,30 koruunit isertitatut ikineqarsimapput, tassa INI-p akiliuteqarneratigut. Taamaattumik ataatsimut katillugu - 288.869,51 koruuninik immikkut aningaasaliissuteqarnissaq qinnuteqaataalluni.

### Qullersaqarfiup oqaaseqaataa

Immikkut oqaaseqaatitassaqanngilaq.

### Allaffeqarfiup naliliinera

Immikkut oqaaseqaatitassaqanngilaq.

### Aningaasaqarnermut ataatsimiitaliami suliap suliarinera

Aningaasaqarnermut ataatsimiitaliap maajip 17-ani 2011-mi ataatsimiinnermini suliaq suliarivaa.



**Innersuussut**

Kommunalbestyrelsimut akuereqqullugu innersuussutigineqassaaq

Kontomut 86-01-imut -288.869,51 koruuninik immikkut aningaasaliissuteqartoqassasoq.

**Aalajangiineq**

**Ilanngussaq**

Ilanngussaqanngilaq



**Imm. 12 Qinnuteqaat immikkut aningaasaliiffigeqqulluni illoqarfik qimannagu perorsaa-sunngorniarnermut, aallartittussanngorlugu september 2011-imi, Sisimiuni**

*Journalnr. 53.03.04*

Tunuliaqtaq

Iolloqarfik qimannagu perorsaa-sunngorniararluni ilinniarneq aallartinnejarpooq Sisimiuni 2008-mi, Juli 2008-mi aningaasaqarnermi ataatsimiisitaliaq innersuussuteqarpooq kommunalbestyrelse-mut illoqarfik qimannagu perorsaa-sunngorniat taamani Sisimiut Komminiani aallartinnejassasoq.

Ilinniarneq aallartinniarneqalermat qinnuteqartut 45-it missaanniittut misilitsinneqarsimapput, taakkunanngalu ilinniartut 20-it aallartissinnaalersimapput ilinniarnerminnik august-imi 2008-mi. Ilinniarnerup ingerlanneqarnerata affaa ingerlareersup nalilernerata ilisimatitsissutigineqarpooq ilinniartut 19-it suli ilinniakkaminnik ingerlatsisut nalunaarutigineqarput.

Iolloqarfik qimannagu perorsaa-sunngorniartut siullit ilinniakkaminnik naammassisapput 17. juni 2011-imi, katillugit 19-it, tamarmik angusissagunik.

Iolloqarfinni ukunani illoqarfik qimannagu perorsaa-sunngorniarneq ingerlanneqarpooq.

- Sisimiuni.
- Ilulissani.
- Nuummilu.

Qeqqata Kommuniata akissarsianut immikkoortissimavai ilinniagaqartunut Sisimiut Kommunianni maanni Qeqqata Kommuniani:

Iolloqarfik qimannagu perorsaa-sunngorniarneq / Sisimiut. Ilinniagaqartunut akissarsiat.

Konto-mi	2009	2010	2011
50-01-11-01-10	4.153	2.844	1.895

Naak ilinniarneq aallartimmat inissaqarniarkut ajornartorsiuteqartoqaraluartoq, inissaqarniarkut aporfiginagu ilinniartut suliamkkut ingerlatsilluarsimapput, ilinniartitsisumit aammalu suliffimmi misiliinermi siunnersortiusut naammagisimaaruagaannik. Tassanilu patsisaalluinnarpooq ornittakkat aammalu meeqleriviit ininik ilinniagaqartunut atortitsisarsimaneri.

Maanna immikkut aningaasaliiffigeqqullugu qinnutigineqarput, ilinniarneq aallarteqqittussanngorlugu september 2011-imi.

Maleruagassatigut tunngavissat

Karsimik aammalu naatsorsuinermik maleruagassaaq Qeqqata Kommuniani.

Pissutsit atuuttut

Iolloqarfik qimannagu perorsaa-sunngorniarneq Qeqqata Kommunianut iluanaarutaasussaavoq, ilinniagaqartut naammassisuniku juni 2013-imi perorsaa-unik ilinniarsimasunik 20-inik amerlanernik peqalertussaassagatta Sisimiuni aammalu Maniitsumi.

Ilinniarnerli Qeqqata Kommunianut akisusimavoq, ilinniagaqartut allat assigalugit Namminersorlutik Oqartussanit ilinniagaqarnersianik tunineqarneq ajorput, kisiannili 23. maj 2011-imi allagarsisimavugut KANUKOKA-mit, illoqarfik qimannagu perorsaa-sunngorniartut ilinniaga-qarnersiaqaler-simasut 4.500,- kr-inik, marts-ip aallaqqataaniilli, ilinniagaqartunullu aningaasarsi-aannik ilanngaanneqarnissaat pillugu.

Ilinniagaqartunut akissarsiaat Qeqqata Kommuniata tamaviisa matussuserlugit aningaasartutigaat, nuannaarutissaavorlu ilinniagaqartut ilinniarsiaqarlertinnejassasoq.



Ilinniagaqarnerlu ingerlaqqissappat Qeqqata Kommuniani, Maniitsumit saaffiginnittooqareerpoq illoqarfik qimannagu perorsaasunngorniarnermut ilaarusullutik Sisimiuni aallarteqqissappat imaluumniit ilinniartitaaneq Maniitsumi aallartineqarsinnaannginnersoq.

**Aningaasaqarnikkut allaffissornikkullu kingunerisinnaasai**

Aaliangiisoqassapput ilinniarneq ingerlatiinnarneqassasoq taava aningaasaliisoqaqqittoqartariaqassaaq illoqarfik qimannagu perorsaasunngorniarnermut Sisimiuniittumut, september 2011-i aallarnerfigalugu..

Illoqarfik qimannagu perorsaasunngorniarneq / Sisimiut. Akissarsiat ilinniagartussanut ukiunullu tulliuttunut aggersunut.

Konto	2011	2012	2013
50-01-11-01-10	1.895	2.844	1.895
Ilinniagaqarnersiat Marts – juni 2011	19 x 4.500 x 4 mdr.= 342.000,-	20 x 4.500 x 12 mdr. = 1.080.000,-	20 x 4.500 x 6 mdr. = 540.000,-
Ilinniagaqarnersiat Sept. – Dec. 2011	20 x 4.500 x 4 mdr. = 360.000,-		
Pisariaqartitat immikkut aningaasaliissutit.	1.538.000,-	1.764.000,-	1.355.000

**Qullersaqarfiup oqaaseqaatai**

Perorsaasunngorniarneq ilinniarfiuvoq ingerlaqqiffik taamaasilluni Namminersorlutik Oqartussat akisussaaffigalugu, piffissaq kingulleq perorsaasunik amigaateqarneq pissutigalugu taamani Sisi-miut Kommuuniugallarmat akisussaaffik tigusimagaa.

Pisariaqartitsineq perorsaasunik ilinniarsimasunik suli annertuvoq Sisimiuni aammalu Maniitsumi.

**Allaffeqarfiup naliliinera**

Ilinniartitaanermi immikkoortoqarfik Sisimiut nalilerpaa ilinniartitaaneq tassaasoq Namminersor-lutik Oqartussat akisussaaffigigaat, ilinniartitaaneq Nunatsinni akisussaaffigimmassuk.

Illoqarfik qimannagu perorsaasunngorniarneq Qeqqata Kommuniani neqoroorutitut ingerlaannassappat, ilinniagaqartut akissarsiaannut ilinniagaqarnersiamik ilaqrtariaqartoq, soorlu ilinniartut allat Nunatsinni taamatut ilinniagaqartinneqartartut. Matussuseeqataasariaqartut ilinniarttuutitta akissarsiaannut.

Maanna isumaqatigiissut atuutilersinneqalersimavoq ilinniartut ilinniagaqarnersiaqalersinnaanerat qaammammut inummut ataatsimut 4.500,- kr-imik, immikkut aningaasaliisoqarnissaanut qinnuteqqaassunneqarput.

Konto	2011	2012	2013
50-01-11-01-10	1.895	2.844	1.895
Immikkut aningaasaliineq.	<b>1.538.000,-</b>	<b>1.764.000,-</b>	<b>1.355.000</b>

**Allaffeqarfiup innersuussutaa**

Ilinniartitaanermi immikkoortoqarfiup innersuussutigaa Qeqqata Kommunianni illoqarfik qimannagu perorsaasunngorniarneq ingerlaannassappat immikkut aningaasaliisoqarnissaanik qinnuteqartqassasoq, ukiunullu tulliuttunut aggersunut, katillugit.

Konto	2011	2012	2013
Immikkut aningaasaliineq.	<b>1.538.000,-</b>	<b>1.764.000,-</b>	<b>1.355.000</b>

Suliarlu aningaasaqarnermut ataatsimiisitaliamut aaliangigassanngorlugu ingerlateqqinnejarluni.



**Ilinniartitaanermut Kulturimut Sunngiffimmullu ataatsimiititaliami suliap suliarinera**

Ilinniartitaanermut Kulturimut Sunngiffimmullu ataatsimiititaliap maajip 30-aní 2011-mi suliaq suliarivaa. Innersuussut akuerineqarpoq. Imm. Aningaasaqarnermik ataatsimiititaliamut ingerlateq-qinneqassaaq.

**Aningaasaqarnermut ataatsimiititaliami suliap suliarinera**

Aningaasaqarnermut ataatsimiititaliap juunip 7-aní 2011-mi ataatsimiinnermini suliaq suliarivaa.

**Innersuussut**

Kommunalbestyrelsimit akuereqqullugu innersuussutigineqassaaq

Qeqqata Kommunianni illoqarfik qimannagu perorsaasunngorniarneq ingerlaannassappat immikkut aningaasaliisoqassasoq, ukiunullu tulliuttunut aggersunut, katillugit

Konto 50-01-11-01-10	2011	2012	2013
Immikkut aningaasaliineq	<b>1.538.000,-</b>	<b>1.764.000,-</b>	<b>1.355.000</b>

**Aalajangiineq**

**Ilanngussat**

1. Perorsaanermik Ilinniarfik, Sisimiut: Piffissap affaanik naliliineq maj 2010.
2. KANUKOKA-mit allakkiaq, ullulerneqarsimasoq 23. maj 2011, najugaq qimannagu perorsaasunngorniarluni ilinniartut aningaasarsiaannit ilanngaanneqarnissaat Sisimiuni.



## **Imm. 13 Sanaartornermi naatsorsuutit pingasut, Maniitsoq**

*Journalnr. 06.03.03*

### Tunuliaqutaq

Sanaartukkanut pingasunut Maniitsup kommunerisimasaani aallartinneqarlutik naammassineqareer-sunut pingasunut sanaartornermi naatsorsuutit suliarineqarput.

### Maleruagassatigut tunngavissat

Ukioq missingersuusiorfik sinnerlugu ingerlanneqarlutik sanaartukkanut sanaartornermi naatsorsuu-siertoqartartussaavoq. Sanaartornermi naatsorsuutit Teknikkimut avatangiisinullu ataatsimiitaliamit, Aningaasaqarnermut ataatsimiitaliamit Kommunalbestyrelsimiillu akuersissutigineqartussaapput.

### Pissutsit atuuttut

Utoqqaat angerlarsimaffikuata 2008-mit 2010 tikillugu atuartunut ininngortinneqarneranut, Kangaamiuni inuusuttut ornittagaata 2008-mit 2010 tikillugu nutarterneqarneranut Maniitsumilu iliveqarfiup 2007-imit 2009 tikillugu allilerneqarneranut sanaartornermi naatsorsuutit suliarineqarput.

### Aningaasaqarnikkut allaffissornikkullu kingunerisinnaasai

Utoqqaat angerlarsimaffiata allanngortiterneqarnissaanut missingersuutitigut 1.290.000 koruunit immikkoortinneqarput. Naatsorsuutit malillugit 1.288.105 koruunit atorneqarput.

Inuusuttut ornittagaata nutarterneqarneranut missingersuutitigut 1.240.000 koruunit immikkoortin-neqarput. Naatsorsuutit malillugit 924.663 koruunit atorneqarput.

Iliveqarfiup allilerneqarnissaanut missingersuutitigut 1.882.000 koruunit immikkoortinneqarput. Naatsorsuutit malillugit 1.476.149 koruunit atorneqarput.

### Qullersaqarfiup oqaaseqaatai

Oqaaseqaatissaqanngilaq.

### Allaffeqarfiup naliliinera

Sanaartornermi naatsorsuutit eqqortutut nalilerneqarput.

### Teknikkimut Avatangiisinullu ataatsimiitaliami suliap suliarinera

Teknikkimut Avatangiisinullu ataatsimiitaliap marsip 8-ni 2011-mi ataatsimiinnermini suliaq suliarivaa.

### Aningaasaqarnermut ataatsimiitaliami suliap suliarinera

Aningaasaqarnermut ataatsimiitaliap marsip 15-ani 2011-mi ataatsimiinnermini suliaq suliarivaa.

### **Innersuussut**

Kommunalbestyrelsimit innersuussutigineqassaaq, sanaartonermi naatsorsuutit pingasuusut akuer-sissutigineqassasut.



## Aalajangiineq

### **Ilanngussat**

1. Utoqqaat angerlarsimaffiata atuartunut ininngortinneqarneranut sanaartornermi naatsorsuutit
2. Kangaamiuni inuusuttut ornittagaata nutarterneqarnerani sanaartornermi naatsorsuutit
3. Maniitsumi iliveqarfíup allilerneqarnissaanut sanaartornermi naatsorsuutit



## **Imm. 14 Sisimiuni sanaartornermi naatsorsuutit marluk**

*Journalnr. 06.03.03*

### Tunuliaqtaq

Sanaartugassatut suliassanut naammassineqanngitsunut marlunnut tunngassuteqartut, tamarmik Sisimiut Kommunerisimasaani aallartinneqarsimasut pillugit sanaartornermut naatsorsuusiorneqarput.

### Maleruagassatigut tunngavissaq

Sanaartugassatut suliassat 1 mill. koruunit sinnerlugit suliassanut sanaartornermi naatsorsuutinik suliaqartoqassaaq. Sanaartornermi naatsorsuutit Teknikkimut Avatangiisinullu ataatsimiititaliamit, Aningaasaqarnermut ataatsimiititaliamit Kommunalbestyrelsimmillu akuersissutigineqassapput.

### Pissutsit atuuttut

Immikkoortoq siullermeerlugu 2010-mi septembarip 27-ani TAA-p immikkut ittumik ataatsimiinerani suliarineqarpoq, tassanilu AA-mut innersuussutigineqarpoq, aammalu 2010-mi oktoberip 26-ani kommunalbestyrelsimit inaarutaasumik akuersissutigineqarluni. Kommunilli kukkunersiusui sanaartornermut naatsorsuutinut marlunnut oqaasiorsimapput:

Konto 72 08 Kulturikkut illorsuarmut aqqusineq, Fahlip Aqq. pillugu 2009-mi 2010-milu naatsorsuutinut ikkunneqarsimannngitsut. Taakku maannakkut naatsorsuutinut ilanggunneqarput. Kukkunersiusut missiliuut 1 A amigaatigisimavaat. Taanna ataatsimoortillugu suliarineqanngisaarnarsi-mavoq, sanaartugassatut suliassaq etapenut pingasunut avillugu tamarmik immikkut A-nik missiliuuserlugit suliarineqarsimammata. Maanna sanaartornermut naatsorsuutinini etapet missiliuuserneqarnerattut missiliuutinik A-mik taallugu suliarineqarpoq.

Konto 74 26 meeqlanut inuusuttunullu innarluutilinnut ornittagaq. .

Innarluutilinnut ornittakkamut Nutaraq-mullu sanaartornermut naatsorsuutit immikkoortuutitassaasut kommunit kukkunersiusa piumasaqaatiginikuuvat, 74 26-imllu sanaartornermut naatsorsuutit taamaallaat Nutaraq-mut tunngasuussasut.

Meeqlanut inuusuttunullu innarluutilinnut Ornittakkamut nuutsisoqarnikuunngilaq, kontolli atorneqarnera kisimi allanngortinneqarnikuulluni. Sanaartornermut naatsorsuutini inuusuttut ornittagaat kisimi Nutaraq pineqarluni.

### Aningaasaqarnikkut allaffissornikkullu kingunerisinnaasai

Nutaraq allanngortiterneqarnissaa 2.320.000 koruuninik missingersuusiorneqarsimavoq. Naatsorsuutit takutippaat 2.449.515,25 koruuninik atuisoqarsimasoq.

Fahlip aqq. Kulturikkut illorsuamut aqqusineq 10.300.000,- koruuninik missingersuusiorneqarsimavoq. Naatsorsuutit takutippaat 10.808.895,65 koruuninik atuisoqarsimasoq.

### Qullersaqarfíup oqaaseqaataa

Oqaaseqaatitassaqanngilaq.

### Allaffeqarfíup naliliinera

Sanaartornermut naatsorsuutit tikkuussisuusut nalilerneqarpoq.



**Teknikkimut Avatangiisinullu ataatsimiitaliami suliap suliarinera**

Teknikkimut Avatangiisinullu ataatsimiitaliap maajip 10-ani 2011-mi ataatsimiinnermini suliaq suliarivaa.

**Aningaasaqarnermut ataatsimiitaliami suliap suliarinera**

Aningaasaqarnermut ataatsimiitaliap maajip 17-ani 2011-mi ataatsimiinnermini suliaq suliarivaa. Ilanngullugu aalajangiunneqarpoq Fahlip Aqqusernata kivitarneranut tunngasoq Teknikkimut Avatangiisinullu immikkoortortaqarfimmi misissuiffigineqassaaq.

**Innersuussut**

Kommunalbestyrelsimit innersuussutigineqassaaq, Nutaraq-mut aammalu Fahlip Aqqutaanut sanaartornermut naatsorsuutit akuersissutigineqassasut.

**Aalajangiineq**

**Ilanngussaq**

1. Konto 74-26 Nutaraq-ap allanngortiterneqarneranut sanaartornermi naatsorsuutit.
2. Konto 72-08 Kulturikkut illorsuarmut aqqusineq, Fahlip Aqqutaanut sanaartornermi naatsorsuutit.



**Imm. 15 Kommunip nersornaasiisarnermini legateqartitsinerminilu aningaasaateqarfia 2009-mut 2010-mullu naatsorsuutai**

*Journalnr. 00.22*

**Tunuliaqtaq**

Kommunip nersornaasisarnermini leqateqartitsinerminilu aningaasaateqarfia 2009-mut 2010-mullu naatsorsuutaat suliarineqarsimalerput. Tamatumani pineqarlutik

- Sisimiut Kommuneani Nersornaasiisarnermi aningaasaateqarfik,
- Maniitsup Kommuneani Ataqqinaasiisarneq,
- Kaaleerannguup Aningaasaateqarfia, aamma
- Pavia Petersen-ip Inuuusuttunut Aningaasaateqarfia.

**Maleruagassatigut tunngavissaq**

Qeqqata Kommunaiani karseqarnermut naatsorsuuserinermullu malittarisassat.

**Pissutsit atuuttut**

2010-mut naatsorsuutit suliarineqartut makkuninnga paasissutissiippuit:

**Sisimiut Kommunata Nersornaasiinermi aningaasaateqarfia** pingasunik nersornaasiisimavoq, tamarmik 5.000 koruuninik aningaasartalinnik, imaluunniit katillugit 15.000 koruuninik. Taamatut aningaasaliissuteqarnikkut ingerlatsinermi aningaasartuutit -4.579,58 koruuninik amigartooruteqarttsisimallutik.

Aningaasaateqarfieuup 31.12.2010-mi nammineq aningaasaatigivai 225.765,64 koruunit.

**Maniitsup Kommuneata ataqqinaasiisarnerani aningaasaateqarfik** 15.000 koruuninik aningaasartuuteqarsimavoq. Taamatut aningaasaliissuteqarnikkut ingerlatsinermi aningaasartuutit -6.341,15 koruuninik amigartooruteqarttsisimavoq.

Aningaasaateqarfieuup 31.12.2010-mi nammineq aningaasaatigivai 231.478,07 koruunit.

**Kaaleerannguup Aningaasaateqarfia** 2010-mi agguassisimangilaq. Naammassisatigut 4.632,56 koruuninik sinneqartoorteqartoq takuneqarsinnaavoq, oqimaaqatigiissitsinermilu takuneqarsin-naalluni 31.12.2010-mi 135.165,97 koruunit nammineq aningaasaatigigai.

**Pavia Petersen-ip Inuuusuttunut Aningaasaateqarfia** marlunnik nersornaasiisimavoq, tamarmik 6.000 koruuninik aningaasartalinnik. Taamatut aningaasaliissuteqarnikkut ingerlatsinermi aningaasartuutit 1.152,04 koruuninik sinneqartoorteqarsimapput, oqimaaqatigiissitsinermilu takuneqarsin-naalluni 31.12.2010-mi 146.143,45 koruunit nammineq aningaasaatigigai.

**Aningaasaqarnikkut allaffissornikkullu kingunerisinnaasai**

Nersornaasiinerit legatinillu agguasinerit kommunip ukiumoortumik nalunaarusiaanut sunniutissa-qanngillat.

**Qullersaqarfieuup oqaaseqaataa**

Immikkut oqaaseqaatitassaqanngilaq.



**Allaffeqarfiup naliliinera**

Allaffeqarfiup ajuusarutigivaa, 2009-mut naatsorsuutit aatsaat maanna suliarineqarmata saqqu-miunneqarlutillu, aningaasaqarnermulli sunniuteqartussaanngillat.

**Aningaasaqarnermut ataatsimiitaliami suliap suliarinera**

Aningaasaqarnermut ataatsimiitaliap maajip 17-ani 2011-mi ataatsimiinnermini suliaq suliarivaa.

**Innersuussut**

Aningaasaateqarfait legatillu naatsorsuutaasa tusaatissatut tiguneqarnissaat innersuussutigineqassaaq.

**Aalajangiineq**

**Ilanngussat**

2009-mut 2010-mullu tulliuttutigut naatsorsuutit oqimaaqatigiissitsinerillu

1. Sisimiut Kommuneata Nersornaasiinermut aningaasaateqarfia,
- 2010-mut tulliuttutigut naatsorsuutit oqimaaqatigiissitsinerillu
2. Maniitsup Kommuneata ataqqinaasiisarnerani aningaasaateqarfik
3. Kaaleeranguup Aningaasaateqarfia, aamma
4. Pavia Petersen-ip Inuuusuttunut Aningaasaateqarfia.



**Imm. 16 Karseqarnermut naatsorsuuserinermullu malittarisassanut ilanngussassaq**

*Journalnr. 01.00.04*

**Tunuliaqtaq**

Qeqqata Kommuniani Kommunalbestyrelsip 2010-mi apriilip 28-ani maannakkut kommunip karseqarnermu naatsorsuuserinermullu malittarisassaanik akuersissuteqarnerata kingunerisaanik, Qeqqata Kommuniani karseqarnermut naatsorsuuserinermullu malittarisassanut ilanngussassamik Kukkuner-siuisut siunnersuusiaqarput.

**Maleruagassatigut tunngavissat**

Karseqarnermut naatsorsuuserinermullu malittarisassani immikkoortortoq 1.5 naapertorlugu ilanngussatigut allannguutit qullersaqarfimmit kisimi akuersissutigineqartussaapput, allannguutillit annertuumik sunniuteqartussaattilugit taakku aningaasaqarnermut ataatsimiitaliamit akuersissutigi-neqartussaallutik.

**Pissutsit atuuttut**

Karseqarnermut naatsorsuuserinermullu malittarisassanut ilanngussassatut Kukkunersiuisut siunnersuusiaat pisortaaqatigiinnit eqqartorneqareerluni akuersissutigineqarnissaanut maanna innersuussutigineqarpoq.

Karseqarnermut naatsorsuuserinermullu malittarisassanut ilanngussassaq 15-inik ilanngussartaqarlu-nilu innersuussisinnaatitaasunut atsiorsinnaatitaasunullu takussutissiartaqarpoq.

**Aningaasaqarnikkut allaffissornikkullu kingunerisinnaasai**

Karseqarnermut naatsorsuuserinermullu malittarisassanut ilanngussassaq toqqaannartumik aningaa-saqarnikkut kinguneqaatissaqanngilaq, taamaakkaluartorli kommunimi karseqarnermut naatsorsuuserinermullu tunngasut pitsasumik aqunneqarnissaasa qulakkeerneqarnissaanut toqqaannanngikkalua-mik aningaasaqarnikkut allaffissornikkut soorunalimi annertuumik pingaaruteqarpoq.

Ilanngussanik qarasaasiatigut suliaqartoqartalernissaa innersuussisoqartalernissaalu iluatsittumik atulerneqarsinnaappata, qularnanngitsumik siunissami sipaaruteqartoqarsinnaassaaq.

**Allaffeqarfiup oqaaseqaatai**

Maannamut suleriaaseq annertuumik allanngussanngilaq. Taamaakkaluartorli karseqarnermut naatsorsuuserinermullu malittarisassatigut ilanngussanik qarasaasiatigut suliaqartoqartalersinnaallu-nilu innersuussisoqartalersinnaanissaa pingaaruteqarpoq.

Taamaakkaluartorli allatigut nakkutilliilluartariaqarpoq. Tamatuma kingunerisaanik aqutsisut nakku-tilliilluarnerusariaqarput, assersuutigalugulu ataqtigiiissumik ajunngitsumik ingerlasoqarnersoq nakkutigisarlugu il.il. Iliuutsit taakku misililluarneqartinnagit ingerlalluartinnagillu ilanngussanik qarasaasiatigut suliaqartoqartaleranilu innersuussisoqartassanngilaq.

**Aningaasaqarnermut ataatsimiitaliami suliap suliarinera**

Aningaasaqarnermut ataatsimiitaliap maajip 17-ani 2011-mi ataatsimiinnermini suliaq suliarivaa.



**Innersuussut**

Kommunalbestyrelsimut akuereqqullugu innersuussutigineqassaaq,

Qeqqata Kommuniani karseqarnermut naatsorsuuserinermullu malittarisassanut ilanngussassaaq  
akuersissutigineqassasoq.

**Aalajangiineq**

**Ilanngussaq**

1. Qeqqata Kommunia: karseqarnermut naatsorsuuserinermullu ilanngussa – ilanngussat 15-it takussutissiarlu



**Imm. 17 Kommunip pilersaarusrusiorneqarnera – 2011-mi pingaarnertut aaqqissuunnera**

*Journalnr. 16.03*

**Tunuliaqtaq**

2012-imuit 2024-imut kommunip pilersaarusrusiorneqarneranut siunnersuusiornissamut tunngavissaq allaffeqarfip maanna suliarilerutterpaa. Taamaattumik illoqarfip kiisalu nunaqarfifit kommunimi pingaarnertut aaqqissornerannan ilanngutassatut naatsorsuutigisanik tunngavissat takussutis- siartaa saqqummiunneqarpoq.

**Maleruagassatigut tunngavissat**

Pilersaarusrusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq.

**Pissutsit atuuttut**

Takussutissiap imarai, pilersaarusrusiornermi periusissaliornermut atatillugu innutaasunik ataatsimii-sitsisarnermi Maniitsumilu aluminiumik aatsitsiviliornissaq pillugu tunngavissanik oqallitsitsinermi oqalliserineqarsimasunit katersorneqarsimasut, tunngavissallu allat takornariaqarnermut, aatsitassar-siornermut, uuliasiornermut gassimillu qalluillunissamut tunngasut inuutissarsiornermi ineriertortit-sinissami tapertaalluarsinnaasutut isigineqartut.

Tamatuma saniatigut inissialiornermi akulikinnerusunik nutaamillu eqqarsartaaseqarluni sanaartor-nissamut 70 N-imut saqqummiussanit isumassarsianik katersisoqarnikuovoq.

**Aningaasaqarnikkut allaffissornikkullu kingunerisinnaasai**

Kommunip pilersaarusrusiorneqarnera inaarutaasoq Qeqqata Kommuniani nunaminertamik atugassii-sarnermi avatangiisinilu qanoq atuisarnissamut allaffissornikkut suliaqartarnermi ataatsimoortumik nutaatut tunngavissiisaq.

**Qullersaqarfip oqaaseqaatai**

Immikkut oqaaseqaatitassaqanngilaq.

**Allaffeqarfip naliliinera**

Allaffeqarfip nalilerpaa, siunissami pingaarnertut aaqqissuussinermi ilanngutassani tunngavissatut ilanngunneqarsinnaasunik pingaarutilinnik saqqummiussat imaqartut, inuutissarsiutitigummi iner- artortitsinissami periarfissiilluartunik naleqqussakkaniq taamaalilluni imaqlissaaq. Soorunalimi pilersaarusrusiornermi atortussanut tunngasut suliarinerini tunngavissanik allanik arlalinnillu ilanngus- sinissaq pisariaqalersinnaavoq, taamaaliornissarlu 2011-mi aggustip 11-a tikillugu ingerlasinnaanera naatsorsuutigineqarluni.

**Aningaasaqarnermut ataatsimiittitaliami suliap suliarinera**

Aningaasaqarnermut ataatsimiittitaliap maajip 17-ani 2011-mi ataatsimiinnermini suliaq suliarivaa.



## **Innersuussut**

Aningasaqarnermut ataatsimiitaliap innersuussutigissavaa, saqqummiussaq eqqartorneqassasoq, kommunillu pilersaarusiorneqarneranut siunnersuusiornissami ingerlariaqqinnissami tunngavissatut akuersissutigineqassasoq.

## **Aalajangiineq**

### **Ilanngussat**

1. Kommunip pilersaarusiorneqarnerani pingaarnertut aaqqissuussaanera oqallisissiatut saqqummiunneqarnera



## **Imm. 18 Assartuussineq pillugu isumalioqatigiissitap isumaliutissiissutai**

*Journalnr.*

### Tunuliaqtaq

Assartuussineq pillugu isumalioqatigiissitap Nuummi 2011-mi apríilip aallaqqaataani tusagassiortunik katersortitsinermini isumaliutissiissutini saqqummiuppaa. Isumaliutissiissut tamakkiisoq qallunaatooq [www.transportkommissionen.gl](http://www.transportkommissionen.gl)-imi atuarneqarsinnaavoq, kalaallisualu saqqummingajalerunnarsilluni.

Tamatuma kingorna Assartuussineq pillugu isumalioqatigiissitami siulittaasoq Christen Sørensen aamma Ineqarnermut, Attaveqarnermut Angallannermullu Naalakkersuisoq Jens B. Frederiksen 2011-mi apríilip 28-ni Qeqqata Kommuniani Sisimiuni innuttaasunik ataatsimiisitsippu.

Ineqarnermut, Attaveqarnermut Angallannermullu Naalakkersuisup Jens B. Frederiksen-ip Qeqqata Kommunianik ataatsimeeqateqarnermini siunnersuutigaa, Sisimiuni umiarsualivik pillugu piaartumik suleqatigiisitaliorqassasoq, taamaattumillu matatuma malitsigisaanik Naalakkersuisup 2011-mi apríilip 29-ni allakkamini eqqaallugu, suleqatigiisitap suliassaata aallartinneqarnissaa 2011-mi maajip 6-ni pissasoq naatsorsuutigineqartoq.

### Maleruagassatigut tunngavissat

Assartuussineq pillugu isumalioqatigiissitaq Naalakkersuisut isumaliutissiissummik suliakkiissut-qarneratigut pilersinneqarpoq, isumaliutissiissutillu imarisai arlaqartut Naalakkersuisunit, Inatsisartunit, Kommuninit allanillu malinnejqarsinnaallutilluunniit malinnejqassanngillat.

### Pissutsit atuuttut

Assartuussineq pillugu isumalioqatigiissitaq arlalinnik innersuusiornikuuvvoq. Qeqqata Kommunia-nllu attuumassuteqartuni pingarnerit tassaallutik.

1. Mittarfiit
  - a. Nunatta qitiusumik mittarfia Kangerlussuarmiittoq Nuummut nuunnejqassasoq – Kangerlussuup (pinngitsaaliisummik) matuneqarnissaa piumasaqaataassappat
  - b. Dash 7-it atorunnaarsinneqarpata timmisartullu teknikkikkut ineriartortinneqarneratigut allatut pingarnersiuisoqarneratigut, Sisimiuni Maniitsumilu mittarfiit 1199 meterinngorlugit imaluunniit Maniitsumi 1000 meteriinnarmik tallineqartariaqalersinnaasoq.
2. Aqquserngit
  - a. Sisimiut Kangerlussuullu akornanni aqqusinnejq inuiaqatigiit aningaasaqarnerannut akilersinnaanngimmat aqqusinniorqartariaqanngitsoq.
3. Umiarsualiviit
  - a. Sisimiuni Umiarsualiviup allineqarnissaa inuiaqatigiinnut imminut akilersinnaassagunartoq, taamaattorli iluanaarutissartai ersarissamik uppernarsarneqarsinnaanatik, taamaam-mallu Sisimiuni Umiarsualiviup allineqarneratigut iluanaarutissartaanik nalilersuisussamik suligasuartussamik suleqatigiisitaliorqarnissaa siunnersuutigineqarluni.
  - b. Alcoamik pilersaaruteqarnermut atatillugu Inuussutissarsiornermut Suliffeqarnermullu Naalakkersuisoqarfimmit Maniitsumi umiarsualiviup allineqarsinnaanera pillugu misis-suisoqarmat Assartuussineq pillugu isumalioqatigiissitap misissuiffiginikuunngilaa



- c. Umiarsuarnik imarpikkut ikaartaatinik tикиннеqарsinnaasumik nutaamik coantainareqarfimmik umiarsualiviliorqarneratigut inuiaqatigiit aningaasaqarneranut malunnaatilimmik sinneqartooraqtaasinnaansoq, taamaattumillu Nuummi Qeqertat-ni umiarsualivilior-toqassasoq
  - d. Suliassat umiarsualivilinnut tunngasut kommuninut tunniunneqarsinnaanera isumaliutigineqartariaqarpoq, taamaattumillu suleqatigiisitamit tamanna nalilersortariaqartoq, sukumiisunillu innersuusiorlutik
4. Umiartuussineq
- a. Sinerissami isorartoqisumiumiartuussineq imminut akilersinnaanngilaq, sappingisamillu piaartumik atorunnaartariaqarluni.

#### Aningaasaqarnikkut allaffissornikkullu kingunerisinnaasai

Assartuussineq pillugu isumalioqatigiissitap innersuussutai malinneqassappata, nuna tamakkerlugu takornariaqarnikkut isertitaqartarnermut (pingartumik Kangerlussuarmi Ilulissanilu), alisakkaniq avammut tunisisarnermut (Sisimiunnit avannamut) minnerunngitsumillu inuutissarsiutitigut siunissami siuarsaanissamut kinguneqapilutsitsisinnaavoq.

Suut tamarmik Nuummut eqiterunneqarpata qularnanngitsumik kinguneqapilussaaq, takornariaqarnermi aalisakkanillu avammut tunisassiorneq annertunngillat kiisalu sila allangorarpallaartarluni.

Kangerlussuaq pinngitsaaliisummik matuneqassappat Qeqqata Kommunianut ajornartoortitseru-jussuassaaq, taamaammat kikkut tamat oqartussaaqataanerannut il.il. akerliuvoq, naak inuiatigiinni pisinnaatitaaffik Namminersornerullutik Oqartussat 1979-imi eqqunneqarneratigut ilaasussaagaluartoq. G60-politikkip eqquteeqqinneratigut nunarput annertuumik uteriartutut isiginarsinnaalluni.

Kangerlussuup matuneqarneratigut soorunami Kangerlussuarmi innuttaasunut ajornerujussuussaaq, ilaatigut pinngitsaaliisummik nuutsinneqassammatt, Assartuussineq pillugu isumalioqatigiissitarli naapertorlugu aningasatigut taarsiivigineqassanngillat taamaattorli allami inissaanik tunineqaannassallutik. Kommunip innuttaata sinneranut aamma kinguneqaataassaaq, Nuuk nunatsinni qitiulisappat timmisartukkut angallanneq akisunerulerlunilu allangorarpallaalissaaq.

Umiarsuarmik assartuussineq eqqarsaatigaluguttaaq, Nuummi nutaamik angisuumillu umiarsualiviliorneq ajornartorsiutitsilissaaq. Tamatumanimi kilisaatit, umiarsuit takornariartaatit uuliamik pilersuineq il.il. Aasiaat Nuullu akornanni talissinnaaneq ajorneri eqqarsaatigineqarsimannngillat, taamaalillunilu uagut immikkoortortatsinni aalisarnerup, takornariaqarnerup uuliasiornerullu iluani pitsasumik siumukarfioruttortoq annikillisinneqassalluni.

#### Allaffeqarfiup naliliinera

Qeqqata Kommuniata Assartuussineq pillugu isumalioqatigiissitaq siusinnerusukkut isornartorsiornikuua, Nuummeersuinnarnimmi Danmarkimeersuinnarnillu ilaasortaqarneq illuinnaasiorpallaaqimmat kiisalu Assartuussineq pillugu isumalioqatigiissitap takorluukkamini assigisaannilu inuutsarsiornermut tunngasut ilanngussimanngimmagit.



Allaffeqarfiup nalilerpaa, Assartuussineq pillugu isumalioqatigiissitap isumaliutissiussutaata isornartorsiuineq tamanna tamakkiisumik eqqortissimanngikkaa. Taamaalilluni aalisarneq takorna-riaqarnerlu pioreersut assersuutigalugu Kangerlussuarmi Ilulissanilu sunniutaasut Assartuussineq pillugu isumalioqatigiissitap isumaliutissiussutaani ersersinnejarpuit. Taamatuttaaq aluminiumik aatsitsiviornissamik pilersaaruteqarnermi aatsitassarsiornermilu naatsorsuutigisatut ineriertornissaat kisimik nassuiarneqarpuit, nalilersuinerli naatsorsuusiornerlu ilanngunneqarsimanatik.

Pissutsit matuma siuliineq nassuiarneqaraluarlutik Assartuussineq pillugu isumalioqatigiissitamit ilanngunneqarpuit, matumani nammineq isumartik malillugu taamaassorinninnerit arlaqartut ersersinniarneruinnarlugit.

Assersuutigalugu Assartuussineq pillugu isumalioqatigiissitap ilimagaa, Kangerlussuarmi innuttaasut sinerissap sinneranut nuunneqarneratigut, kommunip Kangerlussuarmut aningaasartuutai ukiumut 9,3 mio. koruunit sipaardeqarsinnaassasut, silalli ajorneranik patsiseqartumik aningaasartuutit ukiumut 9 mio. koruunit pallingajaannartassagai.

Assersuutigalugu Assartuussineq pillugu isumalioqatigiissitap ilimagaa, Nuummi putorsualiornerit km-imut 89 mio. koruuniinnarnik akeqassasoq, taamaattorli Assartuussineq pillugu isumalioqati-giissitami ilaasortaq Inuplan-imeersup Maniitsumi illoqarfiup ineriertortinneqarneranut atatillugu putorsialornissaq km.-imut 130 mio. koruuneqarnissaa missiliorsimavaa. Nuummi 10 km.-isut takitigisumik putorsualiorloqassappat, Maniitsumi putorsualornissaminngarnit katillugu 410 mio. koruunimik akikinnerussaaq.

Assersuutigalugu Assartuussineq pillugu isumalioqatigiissitap ilimagaa, Kangerlussuaq pinngitsaa-liisummik matuneqassappat, sinerissami inissianut nutaanut inuit 2½-ikkaarlutik inissinneqassapput, uffali Nuummi nutaanik inissialiornermi inissami inuit marluinnaasussatut aalajangerneqarsimasoq.

Assersuutigalugu Assartuussineq pillugu isumalioqatigiissitap ilimagaa, Sisimiut Kangerlussuullu akornanni aqqusiniliassaq piviusunngortinnejassappat, Sisimiut Kangerlussuullu akornanni timmisartuussineq ingerlatiinnarnejassasoq, soorlulu aamma Kangerlussuarmi umiarsualiveqaannassasoq. Sisimiut Kommunoqata angallannermi aaqqissuussinermini aqqut ataasiinnaasussatut 2003-mi ilimasutiginikuua, Assartuussineq pillugu isumalioqatigiissitallu missiliuussaatut pingasoqiusaa-tinnagu. Sisimiut Kangerlussuullu akornanni angallanneq pingasoqiusanngorlugu aaqqissuussineq tamanut imminut akilersinnaanavianngilaq, taamaattumik aqqusinniornissamik pilersaarummut missiliussat atorsinnaanngillat.

Assersuutigalugu Assartuussineq pillugu isumalioqatigiissitap ilimagaa, ukiuni tulliuttuni 20-ni Nuummi umiarsualivimmut eqqussuineq ukiumut 2,6 procentimik qaffariaateqartassasoq, avammulli annissuineq/tunisat ukiuni tulliuttuni 20-ni 1,5 procentiinnarmik qaffariaateqassangatinnejarluni. Imminut akilersinnaasumik aningasaqaarneq eqqarsaatigalugu avammut annissuineq/tunisat eqqussukkaaniit qaffasinnersusussatut isumaqarfiginaraluarpoq, taamaaliornikkummi niueqatigiinnermi amigartoorutaasinnaasut pakkersimaartinneqassammapput.

#### Aatsitassanut Attaveqaqatigiinnermullu ataatsimiittitaliami suliap suliarinera

Aatsitassanut Attaveqaqatigiinnermullu ataatsimiittitaliap maajip 10-aní 2011-mi ataatsimiinnermini suliap suliarivaa.



**Aningasaqarnermut ataatsimiitaliami suliap suliarinera**

Aningasaqarnermut ataatsimiitaliap maajip 17-ani 2011-mi ataatsimiinnermini suliaq suliarivaa. Allaffissornikkut suliaqarsimasut suliaat pitsaasoq Aningasaqarnermut ataatsimiitaliap naammagi-simaarpaa.

**Innersuussut**

Kommunalbestyrelsimullu akuereqqullugu innersussutigineqassaaq,

Assartuussineq pillugu isumalioqatigiissitap isumaliutissiissutai ataatsimoortut itigartinneqassasut, pissutigalugu

- Inuutissarsiornermi ineriertortitsinissamik qitiutitsinngimmat
- Nuup avataani pissutsinut ilisimasaqanngimmat
- Nuummut iluaqtissaannaq pillugu annertuumik isummersuuteqarmat

**Aalajangiineq**

**Ilanngussat**

1. Assartuussineq pillugu isumalioqatigiissitap isumaliutissiissutaa [www.transportkommissionen.gl-immittoq](http://www.transportkommissionen.gl-immittoq) (qallunaatuuinnaallartoq)
2. Assartuussineq pillugu isumalioqatigiissitap inerniliussai innersuussutaalu.
3. Ineqarnermut, Attaveqarnermut Angallannermullu Naalakkersuisup Jens B. Frederiksen-ip allagai, 2011-mi apriliip 29-aneersut.
4. Borgmesterip 2011-mi maajip 6-ini Sermitsiami atuartartunut allagaa.
5. Assartuussineq pillugu isumalioqatigiissitamut ammasumik allakkat.
6. Jens B. Frederiksenip allagai maajip 18-ani 2011-meersut.



## **Imm. 19 KANUKOKA-mi aallartitassanik nutaanik toqqaanissaq**

*Journalnr. 00.06.01*

### Tunuliaqtaq

KANUKOKA-p oktoberip 28-ni 2010-mi immikkut ittumik ataatsimiinnerata kinguneranik malittarisassanik nutaanik akuersissuteqartoqarpoq, taakkulu siulersuisunit januaarip 13-ni 2011-mi atuut-tussanngortinneqarlutik. Ilanngussatut ilanngussami allannguutit takuneqarsinnaapput, tassa sungaartumik titarneqarsimasut.

Malittarisassat nutaat kingunerissavaat, ukiut sisamakkaarlugit ataatsimeersuertoqartalernissaa, tassa kommuninut qinersisoqareernerata kingorna. Taamaattumillu tullianik ataatsimeersuarnissaq aatsaat 2013-imí kommuninut qinersisoqareerpat pisussaalluni, immikkut ittumik ataatsimeerusaqqusi-soqangippat.

Tamakku saniatigut aallartitassat amerlassusiisa allannguutissaat akuersissutaalluni. Tamanna Qeqqata Kommunianut imatut kinguneqassaaq, borgmesterip saniatigut marluinnaat aallartitatut peqataasinnaassasut. Siusinnerusukkut Qeqqata Kommunia pingasunik aallartitaqartalaruarpoq, tassa borgmesteri naatsorsuinermi ilaatinngagu.

Taamaattumik KANUKOKA-p marsip 11-ni 2011-mi allakkamigut kommuninut qinnutigivaa, massakkut siulersuisunut ilaasortaasut aallartitatut ingerlaannassanersut isummersoqqullugit.

KANUKOKA-mi siulersuisut aallartitaanngitsullu, taaseqataasinnaajunnaarnikuupput oqaaseqarsinnaatitaaginnarlutik, malittarisassat § 8-aat takuu.

### Regelgrundlag

KANUKOKA-p malittarisassai § 5, imm.1:

"Kommunit sisamaasut borgmesterii sisamaasut aallartitatut katersuuttartunut aalajangersimasumik ilaasortaapput. Taakkua saniatigut communalbestyrelsit communalbestyrelsinut qinersisoqareersimatsiarpat aallartitassamik 1-imik qinersisassapput. Taassuma saniatigut kommunimi innuttaasut amerlassusiisa 10.000-inik aallartitsineri tamaasa aallartitassamik ataatsimik qinersisoqassaaq. Tamatuma peqatigisaanik communalbestyrelsit aallartitat sinniisussaannik qinersissapput."

### Pissutsit atuuttut

Qeqqata Kommunia KANUKOKA-mi pingasunik aallartitaqartarpoq. Karl Davidsen, Evelyn Frederiksen aamma Katrine Larsen Lennert.

Karl Davidsen-ip communalbestyrelsimiit 2011-mi juunip naanerani tunuarneranut atatillugu, KANUKOKA-mi aallartitaqarnikkut sunniuteqarsinnaaneq equngassuteqalissanngilaq, tassa suleqati-giinnissamik isumaqatigiit (Atassut aamma Siumut) marlunnik aallartitaqarmata illuatungiliuttullu (Inuit Ataqatigiit aamma Demokratit) ataatsimik.

Taamaattumik aallartitassatut toqbarneqareersimasut taakkuiinnassanersut, imaluunniit allannguutetartissanerlugit communalbestyrelsip aalajangissavaa.

Qinigaaffiup atuuttup iluani ataatsimeersuarnissamut aallartitatut aggersaanissat, aatsaat immikkut ataatsimeersuartsisoqassappat pisinnaassaaq.



Aningasaqarnikkut allaffissornikkullu kingunerisinnaasai  
Kinguneqaateqassanngilaq.

**Innersuussut**

Qullersaqarfiup kommunalbestyrelsimit innersuussutigissavaa, KANUKOKA-mi ataatsimeersuar-nermi aallartitassatut toqqagaasimasut, Katrine Larsen Lennert, Inuit Ataqatigiit aamma Evelyn Frederiksen, Siumut taakkutiinnassanerlugit oqallisigissaga.

**Aalajangiineq**

**Ilanngussaq**

1. KANUKOKA-p marsip 11-ni 2011-mi allagaqaataa.



## **Imm. 20 Kommunalbestyrelsimiit tunuarniuteqarneq**

*Journalnr. 01.01.03*

### Tunuliaqtaq

Kommunalbestyrelsimit ilaasortaq Karl Davidsen maajip 23-ni 2011-mi allakkatigut Kommunalbestyrelsimi ilaasortaanerminit tunuarniuteqarluni allagaqarpoq, tassa Nuummi suliffissarsisimagamik nuuttussanngorlillu. Qeqqata Kommuniani Kommunalbestyrelsimiit juulip 1-aní 2011-miit tunuarnissaq qinnuteqaataavoq.

### Malerugassatigut tunngavissaq

Kommunalbestyrelsirut, nunaqarfínni aqutsisunut ilagiillu sinnisaannut qinersiarerit pillugit Inatsiartut inatsisaat nr. 10, 31. oktober 1996-imeersumi § 50, imm. 1-mi allaqqavoq: (qinersinermi inatsit)

*"Ilaasortaq qinigaaffiup iluani kommunalbestyrelsimit tunuarniarluni qinnuteqarpat, kommunalbestyrelsip aalajangissavaa qinnuteqaat taamaattoq akuerineqarsinnaanersoq. Qinnuteqaat peqqissutsimut tunngasunik, sorianik assigisaanilluunniit pingaaruteqartunik qinnuteqartup ilaasortaanissaanut ajornartorsiutaasussamik pissuteqarpat, qinnuteqaat nalinginnaasumik akuerineqassaaq."*

### Pissutsit atuuttut

Qinersinermi inatsit naapertorlugu nalinginnaasumik qinikkatut sulinissaq ajornakusuulertussaammat qinnuteqaat akerineqartussaavoq. Karl Davidsen-ili kommunimut allamut nuuttussaammat qinnuteqaat akuersaartariaqassalluni.

Karl Davidsen Atassutip qinersinermi allattuiffia tunuliaqtaralu qinigaavoq, piffissalli ingerlanerani partimiit partimut allamut Siumut-mut nuunniikuulluni. Partiimik tunuliaqtaqarluni qinigaasima-gaanni, qinersinerup inernera qinersinerup naanissaata tungaanut naalagaasussaavoq. Taamaattumilu sinniisussaq Atassutip allattorsimaffianiit tiguneqassaaq, allattorsimaffillu malillugu Godmand Rasmussen sinniisussatut siulliulluni. Taamaattumik Godmand Rasmussen kommunalbestyrelsimi juulip 1-aní 2011-miit ilaasortaalissaq.

### Aningaasaqarnikkut allaffissornikkullu kingunerisinnaasai

Kinguneqaateqassanngilaq.

### **Innersuussut**

Qullersaqarfiup kommunalbestyrelsimit akuereqqullugit innersuussutigissavai:

- Karl Davidsen-ip kommunalbestyrelsimiit 2011-mi juunip naaneranut tunuarniutaa akuerine-qassasoq, kiisalu
- Godmand Rasmussen 2011-mi juulip 1-anii komunalbestyrelsimi ilaasortaalissasoq.

### **Aalajangiineq**

### **Ilanngussaq**

1. Karl Davidsen-ip maajip 23-ni 2011-mi allagaqataa
2. Siinniisussat nalunaarsorsimaffiat



## Imm. 21 Ataatsimiititalami ilaasortassamik nutaamik sinniisussaanillu toqqaaneq

Journalnr. 01.01.03

### Tunuliaqtaq

Karl Davidsen-ip kommunalbestyrelsimiit tunuarniuteqarmat qinersinermi suleqatigiit, Siumut Atassullu qinnuigineqassapput, ataatsimiititaliamut il.il. ilaasortassamik sinniisussamillu kommunalbestyrelsimit akuereqqullugit innersuussuteqaqqullugit.

### Maleruagassatigut tunngavissaq

Kommunit aqunneqarnerat piullugu Inatsartut inatsisaat nr. 22-ip, 18. november 2010-meersumi § 37. imm. 1-imí allaqqavoq:

*"Piffissaq qinigaaaffiup ingerlanerani ataatsimiititaliami taamaaqataaniluunniit ilaasortaq tunuarpat kommunalbestyrelsimalu suleqatigiinnit aalajangersimasunit qinerneqarsimappat inissaq inueruttoq suleqatigiinnit taakkunannga inuttalerneqassaaq."*

### Pissutsit atuuttut

#### **Nutaatut ilaasortassatut tulliuttuni toqqaasoqassaaq:**

Aningaasaqarnermut ataatsimiititaliaq

Teknikkimut avatangiisinillu ataatsimiititaliaq

#### **Nutaamillu sinniisussamik** uunga toqqaasoqassalluni:

Aatsitassanut Attaveqaqatigiinnermullu ataatsimititalami ilaasortamut Søren Alaufesen, Atassut

### **Innersuussut**

Qinersinermi teknikkikut suleqatigiit, Siumut Atassullu, tulliuttuni kommunalbestyrelsimit toqqa-gassatut akuereqqullugit innersuusuteqassapput

### **Ilaaortassaq nutaaq:**

Aningaasaqarnermut ataatsimiititalami

Teknikkimut avatangiisinillu ataatsimiititaliaq

### **Sinniisussaq nutaaq:**

Aatsitassanut Attaveqaqatigiinnermullu ataatsimititalami ilaasortamut Søren Alaufesen, Atassut.

### **Aalajangiineq**

### **Ilanngussaq**

1. Ataatsimiititaliani ilaasortat allatorsimaffiat



**Imm. 22 Oqaluuserisassatut siunnersuut – Qeqqata Kommuniani atuarfinni tamani mamakujuttut sodavandillu eqqunnissaasa inerteqquatalernissaat**

*Journalnr. 51.00*

**Tunuliaqtaq**

Kommunalbestyrelsimi ilaasortap Karl Lyberthip, Qeqqata Kommuniani atuarfinni tamani mamakujuttut sodavandillu eqqunnissaasa inerteqquatalernissaat pillugu siunnersuut kommunalbestyrelsimi oqaluuserisassatut maajip 24-ani 2011-mi e-mailikkut nassiuppa.

Karl Lyberthip siunnersuumminut tunngavilersuutigaa, Kommuneqarfik Sermersup siunniussaa mamakujuttut sodavandillu atuarfinnut eqquteqqusajunaarnissaat isumaqatiginaqimmat isumsarsiaatsialattullu isigigamiuk, taamaattumillu kommunalbestyrelsimit siunnersuuteqarluni meeqqat pitsaanerusumik inuuneqarnissaat siunertaralugu.

Isumaqlunilu kommunalbestyrelsi naqissusiisariaqartoq atuarfinnut mamakujuit sodavandillu eqquteqqusajunaarnissaat pillugu, tassami mamakujuit sodavandillu inuunerinnerulernissamut iluaquaanngitsut nalunngereeratsigit.

**Innersuussut**

Kommunalbestyrelsimit innersuussutigineqassaaq, suliaq oqallisigineqareerneratigut Ilanniartitaa-nermut Kulturimut Sunngiffimmullu ataatsimiitaliami sularisassanngorlugu ingerlateqqinneqas-sasoq.

**Aalajangiineq**

**Ilanngussat**

1. Karl Lyberthip maajip 24-ani 2011-mi e-mailerutaa.

**Imm. 23 Tamalaat**

